

# نخبۃ الحقیقہ فی الجبابرة الانبیاء

الجلد الاول

مؤلفی

ضبطیہ نظارتی اداره قومیسونی قلمی خلفاسندن  
طرسوسلی جودی زاده  
توفیق

معارف نظارت جلیہ سنک رخصتیہ طبع اولنمشدر

درسعادت

(محمود بک) مطبعہ سی — باب عالی جوارنده ابوالسعود  
جاده سنده نومرو ۷۲

۱۳۰۲



SÜLEYMANİYE G. KÜTÜPHANESİ				
Kısmı . Tekkefer				
Yer .	Kayıt No.	Eski Kayıt No.	Tasnif No.	

# نَجْمُ الْحَقِيقَةِ فِي الْحَبَابِ الْأَنْبِيَاءِ

الجلد الاول

مؤلفی

ضبطیه نظارتی اداره قومیسونی قلمی خلفاسندن  
طرسوسلی جودی زاده  
توفیق

معارف نظارت جلیله سنک رخصتیه طبع اولمشدر

درسعادت

( محمود بك ) مطبعه سی — باب عالی جوارنده ابو السعود چاده سنده نومرو ۷۲

۱۳۰۲

SÜLEYMANİYE G. KÜTÜPHANESİ	
Kısmı . Tekkeler-Hasip Ef.	
Yer I	
Eski . . . . .	281
Tasnif No.	



همان عهده که ترانه مه ترتب ایدن تهنت و تبریکی ادا ودها  
 نیجه نیجه مآثر مبروره موفقیتله اسلافه خیر الخلف  
 و اخلافه نعم السلف اولم لرینی جناب حقندن استدعا ایدرم  
 لله در المؤلف - تقدیرنده - اجرک علی الله کأس کریمندن  
 نصیب عظیم و جمله عندنده احترام و تعظیمه مظهر  
 اوله جقلرنده شبه اولمز جناب فیاض مطلق عنایات  
 فیوضات بخشای صمدانیه سیله جمله مزی کمالات علمیه  
 و کمالات عملیه به لایق و نائلیته مسعود و مسرور بیورسون

— o o o —

اليوم حکاری ولایتی مکشوبجیسی اولوب حقیقت فضائل  
 انسانیه ايله قائم اولان وهله فن جلیل کتابتده خواجه بی  
 مثال و محترم القابنه بحق لایق و سزاوار بولنان عزتلو  
 طلعت بك افندی حضرت تاهینک اشبو { نخبة الحقيقة  
 فی ایجابات الانسانیه } نام اثر عاجزانه می حین تیضده  
 برقچ کون مطالعه مقصودیه نزد والاسنده براقه رق  
 کتاب مذکورک بر طرفه خط خجسته نسط سامیلریله  
 تسطیر بیوردقلری تقریض بلیقدر

... .. ی

اشبو کزیده اثر مدونات سائرده زیور و مندرجات  
 شریفه سی طریق رشد و هدایه رهبر اوله رق فضیلت  
 ذاتیه و مزیت انسانیة علیه لرینی تشریح ایلدیکنندن تقدیرات  
 عاجزی به میدان و علی الخصوص قولکزجه مرتبه علم  
 و عرفان سامیلرینک تعیینه حد و امکان کوره مدم بوجهتله



اجزای کلام تمام و مبنای بیت مرام پایدار معرض دوام  
اولیه جفته و اسباب اشتہار لاجرم محزوف قالہ جفته  
نظراً خواجہٗ بعث و نشر اولان اول شفیع الوریہ و صدر  
دیوان حشر اولان اول امام الہدایہ صلواتہ وافیہ و سلام  
کافیہ عرض ایلرم و مدیحہٗ آل و ستایش اصحاب فرخ  
فال ایلہ رسالۃٗ ادب مظهرین اولمق حکم حکمت  
مقتضیاتندن بولندیغی جہتلہ چار یارکزین و مرتبان  
مجموعۃٗ دین و مقیدان اثار یقین حضراتی ارواحنہ  
دخی تحیات کثیرہ اہدا ایلہ {السلطان ظل الرحمن فی الارض}  
مدیحہ سیلہ کتابۃ طاق منقبتلری معلا اولمش و {اطیعوا اللہ  
و اطیعوا الرسول واولی الامر منکم} امر حکمت رہینیلہ  
دخی ذاتلری معنون بیورلمش اولان خلیفۃٗ خلیفۃ فی الارض  
پادشاہ معدلت نکاہ و شہنشاہ کرامت اکثناء {السلطان  
ابن السلطان السلطان الغازی عبدالحمید خان} حضر تلری  
نامنہ یاربی بوظل رحمانیکی مضمونی موافق شریعت  
و مفہومی مطابق مؤدای قانون عدالت اولان ہر تدبیرندہ

## مُقَدِّمَةٌ

نام نامی حق و اسم سامی منعم مطلق شاہ بیت اثار  
اولنجہ آنک پذیرفتہ حسن اختتام و مظهر قبول انام  
اولہ جفندہ اشتباہ کوتورر جہت اولمدیغندن و {بسم اللہ  
الرحمن الرحیم} سر صحیفۃٗ گفتار ایدیلنجہ عیار تقدینہ  
معانی عبارات کامل کورنمک و صحیفۃٗ سیکۃٗ مفہیم  
ایادی صرافان کمالہ نقش سکہٗ تحسین ایلہ کزنمک علت  
ارتیابدن وارستہ بولندیغندن مقصدی افادہ یہ باشلامزدن  
اول جناب حی دائمک اسم جلالی ذکر ایدر و مبدأ  
نضیدۃٗ عالم و براۃٗ نشیدۃٗ خلقت آدم {صلی اللہ علیہ وسلم}  
افندمن حضر تلرینہ درر صلوات و غرر تحیات اہدا اولاندقجہ



توفیقات سبحانیہ کہ مظهر و ہر امر نندہ خضر مدد عنایتکے  
برابر ایدرک فرمان فرمای اقالیم مسکونہ ایلہ و دیدہ  
امیدنی غبار کدرلہ مظلوم و مغلوب ایلہ دیکلہ مفتخر  
اولورم .

نیت المؤمن خیر من عملہ مصداق والانسان مرکب  
من السهو والنسیان مدلولانجہ افادات آتیہدہ بعض نقصان  
و خطیأتہم اولور ایلہ انکدہ حسن نیتلیمہ باغشلہرق  
بوعبد درینہ و بندہ کینہ نک اخوان دین عندندہ شو عملدن  
طولای خیرلہ یاد بیورلمسنی استرحام ایلرم و مقالات  
آتیہ بی کتب ابواللیث و معالم التنزیل و مدارک وقاضی  
وابوالسعود و تفسیر کبیر و قاشانی و کشف و مجمع الیان  
و تیسیر و کتب مسلم و بخاری و مصابیح و مشارق  
و ترغیب و ترہیب و جامع الصغیر و کتب فتوحات مکہ  
و فصوص الحکم و دیوان ابن فارض و عوارف المعارف  
و کتاب تعرف و اصطلاحات للشیخ عبدالرزاق القاشانی  
و اعجاز الیان للشیخ الکبیرہ و مواقف و شرح عقائد

و مشکوۃ الانوارہ و ہدایہ و صدر الشریعہ و صحاح  
و ابن اثیرہ و نمونہ قدرت الہیہ مستند اولہرق سویلرم  
و بمنہ الکریم توفیقات سبحانیہ بوعاجزہ رفاقت ایدر ایلہ  
شو اثر التی جلدن عبارت اولہجعتی تأمین ایدرم .  
لله التوفیق وهو نعم الرفیق

وپیغمبر لر و کتاب لر ایله قوللرینی طریق حقّه دعوة ایلدی و انسان ایچون یاربی بیلیم صوابی ایشلر کناهدن قچار سکا عصیان و کفر ایتمزدیم دیه جک بر قحاقق کوشه سی بر اقمادی و قرآن کریمنی شعرای عربک یکدیکره طریق بلاغتده مسابقت دعواسنه قیام ایله بیت اللهک دیوارینه شعردن لوحه لر تعلیق ایتمکده بولندقلری بر زمانده انزال ایلدی و شعرای غاوون طرفلرندن او قدر چالیشلادیغنی حالده او قرآن کریمه ابدی تنظیر قبول ایستیرمدی. او یله اولنجیه بزه کتابز هر شیئی تعلیم و تدریس ایدر.

ایشته آنی او قویه لم واحادیث نبویه نی کوزدن کچورده لم و مفسرین عظام و محدثین کرام افاده لری و جهله مزایا اکلایه لم و بحشمز انسانیتیه یعنی اسلامیتیه عائد اولدینی ایچون مرتبه ابتدائیه ده آنی سویلیه لم و آیت کریمه دن ( ان الدین عند الله الاسلام ) فحوای جلیلنی واحادیث نبویه دن دخی ( بنی الاسلام علی خمس شهادت ان لا اله الا الله وان محمداً رسول الله و اقام الصلوة و ایتاء الزکوة و صوم رمضان و حج الیت من استطاع الیه سیلاً ) معنای منیفنی سند اتخاذا ایدمده سوزده کریشه لم.

بوندن دخی اکلادیکزیا الله عظیم الشانک نزد الوهیتنده مقبول اولان دین دین اسلام اولوب دین اسلامک اصولی بشدر و او بش اصول اوج اصوله مبتیدرکه آنک برنجیسی ایمان ایکنجیسی اخلاص او چنجیسی نیتدر و بو اوج اولمز ایسه اعمال بشریه صحیح اولمز و انسانم دیه طفره فروشلق ایدنلر انسان صایلمز و دین ایسه بر وضع الهیدرکه اصحاب عقولی اختیار محمودلریله

## ✽ نخبة الحقیقة فی ایجابات الانسانیة ✽

### ✽ بسم الله الرحمن الرحیم ✽

اخوان دین یعنی مسلمان قرداشلر امید ایدرم ایوجه بیلورسکزکه انسانیت ساده جه بورون قولاق و دیل و اغز و یوز و سائر اجزای بدنیه نک وجودیله دکل اولاهدایت و عقل معاده و آنک دلاتیه دین و ایمانه و آنک مقتضیاتندن اولمق اوزره اعمال مشروعه محتاجدر و شوراسنی دخی تصدیق ایدرسکزکه الله عظیم الشان ( قل هو الله احد الله الصمد لم یلد و لم یولد و لم یکن له کفواً احد ) سورة شریفه سنک حاوی اولدینی معنا و جهله خالق مطلق و معبود بالحقدر و محضاً محبتدن بر محمد خلق ایدوب او محمد ایچون دخی ( لولاک لولاک لما خلقت الافلاک ) بیوردی و اجسام حیوانیه نی دخی مایه سی هر کسجه معلوم اولان شیدن تحصیل ایدن نطفه علقه مضغه عظام دن یتشدره رک دنیا یه چیقاردی و ایوی کوتوی فرق ایدمده جک و اکشی نی طاتلوی اکلایه جق و معطراتی شم و الحانی سمع ایدمده جک قدرت و یردی و ذات الوهیتنی و جنتنی بوله جق یوللری و جهنمه منتهی اوله جق طریققلری کوستردی



بالذات خیراته سوق ایله و لذلك ( لیتفقوه فی الدین و لینذر و قومهم اذا رجعوا الیه ) قول صمدانیسنه بالتبعیه حقیقه و وصول ایچون فقهه تمسک لازمکلور دیلم و امام غزالی حضر تلیزینک ( لقد کان اسم الفقه فی العصر الاول مطلقاً علی طریق الاخرت و معرفته دقائق افات النفوس و مفسدات الاعمال و استیلاء الخوف علی القلب و یدلک علی ذلک قوله تعالی الایة و مابه الانذار و التخويف هو هذا العلم و هذا الفقه دون تعریف اللعان و الطلاق و السلم و الاجارة و العتاق قول معتبری و جهله فقه عصر اولده طریق اخرتی و معرفتی و دقائق افات نفوس و اعمال و استیلاء خوئی بلدی ران علمه تسمیه اولندیغنی تذکیر ایله مشایخ عندنده دخی بوکا فقه اکبر و تعریف لمان و طلاق و سلم و اجاره و عتاق حقنده اولانه فقه اصغر تسمیه اولندیغنی و حتی امام اعظم و هام افخم ابو حنیفه حضر تلیز دخی بو تعریفات اعتباریله بر صغیر الحجم اولان و صور مقدمه دائر بولنان کتابنه فقه اکبر دیه اسم اعطا بیورمش اولدقلرینی عالمه عرض ایدلم.

شمدی کله لم بحشه هانیا بزه بریسی مسلمانیسک دینجه مسلمانم دیور ایدک یا اکلا دقئ مسلمانم دیه بیلیمک ایچون نهیه محتاج ایمشز اوت اکلا دق مسلمانم دیه بیلیمک ایچون اولاللهک بر لکنه شریکی نظیری اولندیغنه و حضرت محمد علیه الصلوة و السلام اقدمزک خاتم و خاتم الانبیاء یعنی بوصفتلرله حق پیغمبر اولدیغنه و نماز قلمق و زکوة و یرمک و اورج طوتمق و حج ایتیمک لزومنه دل ایله اقرار و قلب ایله دخی تصدیق ایتیمکه محتاج ایمشز و فقهه

تمسک لوازم دینیهدن ایمش بناء علیه باقم لم یوقروده تعداد ایتدی کمز کتابلر بزه نه سوبله یور

ایشته کتابلر ( قال الله تعالی خطاباً للانسان و خلقناکم ازواجاً ) ای ذکوراً و اناثاً و من کل شیء خلقنا زوجین لعلکم تذکرون ای و من کل شیء خلقنا صنفین مثل الثقاین و الکونین و الدارین و الوالدین و الاشیاء المتضادین کالنور و الظلمة و الارض و السماء و البر و البحر لعلکم تذکرون ای لکی تعلمون الاذدواج من خواص الممكنات و الواجب بالذات لا یقبل الاثنینیت و الزوجیة ( و كما قال الله تعالی سبحان الذی خلق الافواج کلها مما تثبت الارض و من انفسهم و مما لا یعلمون ) یعنی جناب خالق متعال قدم ثبوت احدیت صمدیت تنزه عن النقصان و التولد و التولیدی و شوایت کریمه مدلولانجه معبود بالحق و خالق مطلق صفاتی ذاته مخصوص بیورمشدرکه مخلوق کندوسنه بکرده مسون و ذات مطلق بو وجهله جاری اولان صنع الهیسی ایله دخی انظار عبادجه ثابت ایدوکنی و اطمینان فهم و استفرار علمه دینلیدیکنی و یقین اوج نوع اوزره اولوب برینه علم الیقین دیکرینه عین الیقین او برینه دخی حق الیقین تسمیه اولندیغنی و ( علم الیقین ما کان من طریق النظر و الاستدلال ) و ( عین الیقین ما کان من طریق الكشف و النوال ) و ( حق الیقین ما کان تحقق فصال عن لوث الصصال ) ایدوکنی و حضرت محمد علیه اکمل الصلوة و التحیته افندمز و حی حضرت عایشه دن مروی و ( ان الحارث ابن حشام سئل رسول الله علیه السلام فقال یارسول الله کیف یأتیک الوحي قال رسول الله احياناً یأتیني مثل



صاصلة الجرس وهو الشدة علی فیکصم غنی وقد وغیت عنه ماقال  
واحياناً یتثل لی الملك رجلاً ( عباراتی شامل حدیث شریف  
موجبنه ذات رسالتنا هیلرینه وحی احياناً چاک صداسی وصفوان  
اوزره سلسله صوتی کبی کلوب بوصفت اوزره کلان وحی صفت  
اخر اوزره کلان وحیدن اشد واصعب ایدوکنی واول ملک ذات  
رسالتدن وحی قطع وذات رسالتی اندن وحی حفظ ایلدیکنی  
واحياناً اول ملک رجل صورتنده ذات محمدیسنه تثل ایدوب  
صراحته سویلیدیکنی وذات محمدیلری دخی اول ملک سویلیدیکنی  
لفظاً ومعناً حفظ ایدوب بناء علیه بو صورتده شدت وصعوبت  
اولدیغنی واجتهاد دخی لازم کلدیکنی فاما صورت اولی اوزره  
وارد اولان وحی اجتهاد اولنمق مقتضی بولدیغنی اظهار واعلام  
ایده یور.

شمی بو اعلامدن دخی اکلا دقکه بیک اکبر اولان حضرت  
جبرائیل عالم بالانک سرقافله سی عرش معلانک سالار رهی اسما  
ومسانک مجموعه سی صورت معنائک پیرایه دهی حرم کعبه علیانک  
نخلی حرمخانه اسرانک رهبردی یثرب و بطحانک جنی عروء  
وثقانک ارام کهی الطاف وعطانک سرچشمه سی شرفنامه لولانک  
طغراسی کنج حقیقتک لؤلؤ لالاسی اقالیم حقایقک سامانی  
زنار و چلیانک محازنی اولان فخر الانیا والاولیا حضرت محمد  
علیه الصلوة والسلامه تبلیغنه مأمور اولدیغنی اوامر الهیهی بعضاً  
صریح وبعضاً دخی اجتهاده محتاج صورتیه کتورر ایمش اویله  
اولدیسه قرآن کریم معجز و بناء علی ذلک مجتهدین ومفسرین

لازم و سورة فاطرده مندرج (ثم اورثنا الكتاب الذین اصطفینا  
من عبادنا فمنهم ظالم لنفسه ومنهم مقتصد) آیات کریمه سی احکام  
جلیلنه نظراً کتاب مستطابه عباد المهدن درجه اصطفایه مظهریت  
شانلرندن اولنلر متوارث اولمش وظالم لنفسه ومقتصد لنفسه وار  
(ومنهم سابق بالخیرات) وانلردن خیراتده سبق ایدنلر موجود  
بولمشدر.

شوراسنی دخی سویلیهیمکه عندا عرفا جنت ایکی نوعدر برینه  
جنات آجله و دیکرینه جنات عاجله دیرلر جنات آجله آخرتده  
نتیجه اعمال صالحه اولان جنتدر و جنات عاجله بو دنیاده اولان  
اذواق روحانی و علوم و معارف ربانیدر نته کم شو احادیث شریفه  
دخی بو افادهیه بر حجت قاطع اولور.

(احادیث) قال علیه السلام ارتعوا الی ریاض الجنة قالو اوما ریاض  
الجنة یا رسول الله قال علیه السلام مجالس العلم وقال ایضاً اکثروا  
غراس الجنة قالوا و ما غراس الجنة یا رسول الله قال التهلیل  
والتسیح ایضاً اذا لقیم شجرة من اشجار الجنة فاقعدوا فی ظلها  
وکلوا من ثمارها قالوا کیف یکن هذا فی دار دنیا یا رسول الله قال  
علیه السلام اذا لقیم صاحب العلم فکأنما لقیم شجرة من اشجار  
الجنة (موجب عالیمسنجه عامل اولوب معناً وماده جته دخول  
مراد ایدنلر بو طریقندن ذره قدر انحراف ایتمامک لازمدر.

چونکه الله عظیم الشان قرآن کریمی حقنده (یا ایها الناس قد جاءکم  
موعظة من ربکم وشفاء لما فی الصدور وهدی ورحمة للمؤمنین)  
بیورمشدر که قرآن کریمی وانک معنای فائز الاتقاسنه عائد اولان علوم



دینیہی جمہاء مؤمنینہ ایشہ اولو جہاہ شفاء صدور و ہدایت و رحمتی موجب و نیل جنتی مستوجب و علمای دین عندندہ معلومدرکہ قرآن عظیم الشانی لوح محفوظدن استساخ و کتابت ایدن ملائکہ کرامدر و آنلر حقارندہ ( بایدی سفرہ کرام برہ ) بیورلمشدر وینہ انلر جہ معلومدرکہ سفرہ سافرک جمعی اولوب سافر کاتبہ دینلور نتہم ( سفر الکتاب سفرأ ) دیرلر ( کتبہ کتاباً ) معناسن و یرلر ( برہ ) بارک جمعیدر محسن و نیکو کردار اوللرہ اطلاق اوللور ( بایدی ) دہ بانک متعلق مقدردرکہ اول مکتوب و یاخود محفوظ دیکدر و جار مع الجورور متعلق محذوفیلہ مبتدای محذوفک خبری اولور .

تقدیر کلام قرآن عظیم الشانی ملائکہدن کاتب اوللر و نیکو کتبدہ بولنلر اللریلہ لوح محفوظدن استساخ و کتابت ایتدیلر دیک اولور ( ینعنون ان یمہ الاالمطہرون بیورلمشدرکہ اول سفرہ و برہ فسقہ و مجرمی منع ایدرلر والا اخلاق ردیہ و عقاید رزیلہدن پاک اوللر استئنا قنور دیکدر .

شمدی بوراسنی دخی تفہم واقع اولدی کہ ہایمان ہامون غفلت قرآن کریمہ مطلع اوللر و خام ہوام طبیعت بوندن لذت المنزلر واکرچہ کتابن کتورر والفاظن اوکر نورلر ایسہدہ ( کمثل الحمار یحمل اسفاراً ) قیلندہ قالورلر .

مادامکہ بویلہدر بز معانی قرآنیہی الہامات ربانیہ دلالتیلہ مجتہدین و مفسرین طرفلرندن سالك سطورہ چکلمش اولان مباحث دینیہی جانندن او قویوب یازوب جانندن دیکلیہم و شیطانندن واکا

تابع اوللردن استعاذہ ایدوب ( قاللہ خیر حافظا و هو ارحم الراحمین ) نص جیلندہ ذات الوہیتک حافظ حقیقی و بابا و انامزدن و حتی ہر بر مرتکار دن ارحم اولدینغی تصریح و تبیین بیوران اللہ تبارک و تعالیٰ حضرت تریینہ ہر ایشمزدہ صغینہم زیر اشیطان علیہ مایستحق جمہاء ملائک ایلہ برابر اولدینغی حالہ حضرت آدم علی نبینا وعلیہ السلامہ سجدہ ایتلری جناب حق طرفدن امر اولدینغی وقت سجدہدن ابا ایتدی و مرقومہ ذات جلیل الشان ( یا ابلیس ) مامنعک ان لانسجد لما خلقت بیوردی دیو سجدہ ایتمامسندن سؤال بیوردقدہ کویا آدمی سفلی و کندوی علوی عد ایلوب ( خلقتنی من نار و خلقتہ من طین ) دیہرک حقہ کندوسنجہ معتبر اولان شوحجتی سویلدی و بو آندہ رحیم و اہل نار اولدی ایسہدہ ینہ جناب حقدن یوم بعثہ قدر شرفی ساحۃ عالمہ نشر ایدہ بیلیمک ایچون اجازت الدی و آنک اوزرینہ دخی ہم کندوسی و ہمده اہلی اہل نار اولق مقرر قلندی .

شمدی بزى انک شرنندن ہر آن ودقیقہ اللہ استعاذہ امین ایدر و حضرت محمدہ کالیلہ تمسک شفیع و ظہیر اولور و بوعاجز طرفدن حقاریکزدہ ( نوراللہ قلوبکم بانوار العلوم و العرفان و ایدکم بہدایۃ المشاہدۃ والعیان ) دعواتی بمنہ الکریم بخلوص البال ترتیل قلنور ہنوز خاطرلردہدر .

یوقرودہ جناب خالق بواجسام حیوانیہی مایہسی ہر کسجہ معلوم اولان شیدن تحصیل ایدن نطفہ علقہ مضغہ عظامدن یتشددیررک دنیاہ جقاردی دیش ایدک بو کیفیت خلقت حقندہ بعض عقلسزلر



سوزه قاریشهرق و جناب خالق کندی. لسانه المغه عار ایتدیکم  
سوز ایله یادایلیه رک ذات الوهیتی بیلیمور لر انلر زمرة حاضر دلریله  
حشر اولسونلر.

بیضاوی حضرتلری تفسیرنده ( وازلنا من السماء ماء فاخرجنا به  
من الثمرات رزقالکم جعل المأسیباً لخروج الثمار بقدرة الله ومشيته  
ولکن المزج بالتراب سبباً لآخر اخرجها ومادة لها كالنطفة للحيوان  
او ایدع فی الماء النازل من السماء قدرة فاعلة وفي الارض قوة قابلة يتولد  
من اجتماعهما انواع الثمار ) یعنی بو انسان صلب سماندن بطن  
ارضه کلوب اندن دخی مرتبه انسانه کلیور بیور یورلرکه متفقاً  
ابن مسعوددن مروی اولان ( قال رسول الله صلى الله عليه وسلم ان  
خلق احدکم یجمع فی بطن امه اربعین يوماً ) یعنی سزدن بریکزک ماده  
خلقتی که ماء رجل و ترائب مرته دربالاجتماع رحم مادرده قرق  
کون قالنجه اول نطفین ممزوجین شیء واحد حکمنده اولوب  
انانک قوة جازبه سی دخی آنی قرق کونهدک تدریجه تربیه ایدر  
( ثم تكون علقه مثل ذلك ) اندن صکره ینه قرق کون قدر  
چکنمش ات پاره سی کبی اولور ( ثم يرسل الله الملك فينفخ فيه  
الروح ) اندن صکره الله تعالی اول جنینه بر ملک ارسال ایلرور روح  
نفخ اولور.

بوصورتجه قوت فاعله سماویه واندن نازل اولان ماء ایله قوت  
قابلة ارضیه مجتمع اولوب بوایکیسنک اجتماعندن نبات تولد ایدوب  
اول نباتی بارادة الله حیوان ییوب شحات و جسامت باغلیوب  
بعده یانبانک لطیفن ویا حیواندن حاصل اولان لقمه نک نفیسن

انسان ییوب هضم رابعک فضله سندن نطفه حاصل اولوب حین  
مجامعتده صلب رجلدن و ترائب مرته دن چقوب بطن مادرده  
ممزوج اوله یور

بناءً على ذلك برده دیرزکه جناب حق بوموجودات یوق ایکن  
حضرت ادمی بالجقدن تصنیع وایجاد ایتدی و آیت کرمینده  
بیوردینی وجه اوزره ( فاذا سوتیه و نفخت فيه من روحي )  
کندی روحندن اکا نفخ ایلدی و اعقابی دخی اندن یعنی آنک  
صلبندن و حضرت حوانک ترائب مرته سندن تولید ایله سلسله  
بعد سلسله بوقدر تور تندی و حالا تور تمکده در و بو عالم عالم اسباب  
اولدینی حیثندن طولانی نباتاتی یردن خلق و سماندن نازل اولان  
ماء دلالتیه تربیه و احیا و نباتدن دخی نطفین مذکور تینی حاصل  
واندن بو وجودی خلق ایله یور و انسان دخی بعد التولد ییوب  
وایچوب وایام طفولیتی کچوب عقل و تمیز صاحبی اولوب کندونی  
بر شخص معین بولوب اگر هدایت الهی یاری قیلار ایسه مبدأ  
و معاددن تذکرله بو عالمی فانی و غر بتسرا بیلهرک ( ارجعی )  
امرینه بالتبعیه وقت معین حلونه قدر اخرت حاضر لغتی کور یور  
اما عقلسز اولنر بو وجهله دکل ایشته دنیا به کلنجه بر طاقم شیلره  
صاپشهرق و شیطانک زنجیر اسارتی التده آتشهرق ( یالیتی کنت  
ترابا ) دتیک ایچون هیچ بر شیء تمیزه چالشمیور افاده دن مستغنی  
اولدینی اوزره حقیقتی ادراک عقلاک قوتیه و عاقله علم آینه  
تیسرده صورتما اولور و عاقل اولیانلرک درونی ظن استیلا ایدر



وظن ایسه ( کما قال الله تعالى ان يتبعون الاالظن وان الظن لا یغنی من الحق شیئا ) قال الیضاوی فان الحق هو حقیقه الشیء لا یدرک الا بالعلم والظن لا اعتبار له فی المعارف الحقیقه وانما العبرة به فی العملیات ( موجد لربحه حقیقتدن غنا ویرمز بوراده بیضاوی حضر تلی حق شیئک حقیقتی دیمک ایله تعیر ایلدی برشیئک حقیقتی نفس الامرده اولدینی ماهیته دیرلر بوایه ادراک اولنمز الا علم الیقین ایله پس ظنک معارف حقیقهده اعتباری یوقدره .

ظنک اعتباری عملیات و عرفیاتده در معارف حقیقهده اعتباری اوله مز و معارف حقیقه عالمرینک اصطلاحده اشیا ایچون ثابت اولان ماهیاته جاعلک جعلی تعلق ایتمز و خلاصه ظنه تابعیت و یاخود ظن ایله حکم جائز دکل و حضرت رسول اکرم ونبی محترم صلی الله علیه وسلم ( ایاکم والظن فان الظن اکذب الخواطر ) بیوردی بناء لما فیہ قوة مميزة صاحبی اولدیغمز وقت علم اللهده قطعاًطن طاشاملیز بوراده برشیء دهاوارکه بعض قارئین اندن دخی سؤاله تصدی ایده جک اولور اوده ندر دنیلور ایسه کیفیت روحدره .

چونکه بز یوقاروده انسانک ندن اولدینی نقل صره سنده انسان نطفه دن ونطفه دخی نباتات و لقمه حیوانیه نک حضم رابعندن اولور والله روحی تفخ ایدر دیمش ایدک .

بناء علیه روح ندر سویلنمدی دیه جک اولان اولور ایسه دیرزکه و قتیله یهودیلر علی طریق الامتحان قزیشه دیدیلرکه پیغمبر یکنزدن اوج شی سؤال ایدیکز برینی اصحاب الکهف دیکری ذوالقرنین

اوبریسی روح بواوجه جواب ویرر ایسه قبول ایتمکز برینه جواب ویرر ایکنسه ویرمز ایسه کذلک ایکنسه جواب ویرر برینه جواب ویرمز ایسه حق پیغمبردر دیدیلر و بقولهم علیه الصلوة والسلام اقدمز حضر تلینه عرض اولندی

علیه الصلوة والسلام اقدمز دخی اصحاب الکهف وذوالقرنین وجه تفصیل قرائینه اوزره سویلیدیلر فقط روح حقنده ( قل الروح من امر ربی ) خطاب جلالی علی وجه الترتیب شرف صادر اولدینی ایچون بوکاءند جوابده بوصورتله اکتفا بیوردیلر اما متکلمین اهل السنة والجماعة عقلاری یتدیکی مرتبه ماهیتدن دکل خواص و کالاتندن باحث اولمق اوزره برقاج شی سویلیدیلر و محققاردن بعضاری بزم سرمز بزم کالمزدن ایری وغیری اولمدینی کبی تن جانندن و جان دخی تندن مستور دکلدره .

بناء علیه بدن آینه سنده جمال روح نمایاندر و لکن بوکوزله جانی کورمک ایچون کسبه دستور ویرلدی دیمشله .

کلهلم اهل سنت علمای ظاهر نه انلردن بعضیسی روح بر جسم لطیفدر ماء وردک و رده و دهنک سمسده و نازک حدیده سریان ایلدیکی کبی اودخی جسمده سریان ایلر و اکثریسی روح بشول اجسام نورانیه و سماویه و لطیفه دن مرکبدرکه تغیر تبدل تجزی قبول ایلمز و شمس کبی نچان بدن مکنون و مستوی اولسه اول نفخه شریفه الهی باذن الله نافذ بدن اولور و نهایت جنید بغدادی حضر تلی دخی ( الروح شیء استأثر الله بعلمه لایحوز عنه العبارة ) یعنی روح الله تعالی حضر تلینک علمنده مستقل قالان شیئدر اندن



عبارة وحکایت جائز دکلدر دیدی و صدرالدين قونوی حضرتلری  
دخی ( ویستلونک عن الروح قل الروح من امر ربی ) آیتنک  
تفسیرنده جیند بغدادی کبی قائل اولدی .

( وهوالمهم فی التوریه ) دخی بیوردی و بناء علیهما بزده روحک  
ماهیتی عام الهیة مستقل قالدی آنک ایچون روح شودر دنیله من  
و انجیق المزک طومتی ایاغمزک حرکتی قولاغمزک لیشتمی  
و بوسکا بکنر سائر افعال اقتداریه من روحک قوتیه در دیر  
و بمنه الکرم هرکی اقناع دخی ایدرز .

برده روحک روانی واردرکه اکا روح تمیز دخی دیرلر و حالت  
نومده خروج ایله عالم ارواح ایله عالم اجساد میاننده بولنان عالم  
مثاله کیدن بوروح رواندر و بدننه قالان روح یوقرودنبرو  
تفصیلات لازمه اوزره عرض ایتدیکنز روح حیوانیدر بعض  
بوروح یعنی اول روح روان عالم ارواحه دخی واصل اوله یلوب  
رؤیا و خیال دامنن ازاد اولور و بعض دخی اول ارواحی حق  
تعالی عالم خیالده مقید قلاز و رؤیانک دخی اقسام و احوالی چوق  
کسه لرحه معلوم اولوب بناء علیه بوراده آنکله تطویل مقال  
کرکنز یالکنز شوقدرینی عرض ایدرزکه ارواح هرکیجه قوالب  
ابدانن محبوسیتی صیرقدیروب صحرای ارض الله و اسعده سیر  
قیلوب استراحتدن صکره سورة انعامده اولان ( فالحق الاصحاح )  
ایت کریمه سی موجبنه مظهرالصباح عن ظلمات اللیل اولان  
الله عظیم الشان قوللرینک روحنی افکار شیطانیه و مکاید نفسانیه  
و مقتضای عقل معاش و طبع خفاشدن مصون و محفوظ ایدرایسه

على السحر اول روح بدنلرینه کلرکده انلر کندولرینی غل  
وغشدن ازاده و دیگر قسم روحلر بدنلرینه کلریکنده کندولری  
طوفان حوادثه مستغرق بولورلر .

شمدی سزه شونی اهدا ایدمیده عمل بیوریکز زیرا روایت  
صحیحه ایله مثبتدرکه هرکم بودعایی یاته جنی وقت اوقوسه الله عظیم الشان  
آنک روحنی بلیات صوریه و مغنویه دن محافظه ایلر و حضرت  
یغمبر علیه الصلوة والسلام دخی اوقورلرایدی .

( باسمک ربی وضعت جنی و بک ارفعه ان امسکت نفسی فارحمها  
وان ارسلتها فاحفظها بما تحفظ به الصالحین ) واکثراً بودعایی دخی  
اوقورلرایدی ( اللهم سلمت نفسی الیک و الحیات ظهیری الیک  
و وجهت وجهی الیک رهبة و رغبة الیک لامأجاً و لامنجاً منك  
الا الیک امت بکتابک الذی انزلته و نیک الذی ارسلته ) اصحاب  
الکهنف حضراتی ایله ذوالقرنینک احوالندن بوراده علی وجه  
التفصیل حکایه اولتملی ایدی دیان اولور ایسه آنلره جواباً  
مشارالیهیم حضراتنک حکایه لری براز اوزونجه اولدینی و ایمان  
بحی بوراده بر مقدار تفصیل ایستدیکی جهته ایلروده بروجه  
دخواه مکمل حکایه ایله مشارالیهیم حضراتی تذکیر و عبد ایدرک  
و ایمان بحی تکمیل ایچون بوراده بشقه سوزی کسهرک ایشته  
ایمان بحته عائد تفصیلات شودر دیرز اقدام مطلقاً اوقودیکز  
وبیلورسکنزکه قرآن کریمک من جهت الترتیب باش طرفنده کی ایکنجی  
صحیفه ده ( الم ) محرردر ( الم ذلک الکتاب ) مفسرین نورالله قلوبهم  
حضراتی حروف مقطوعه یه چوق معنا و یرمشرسده منتهای



کلامری ( وهی سر من اسرار لله استأثر الله بعلمه وهی القرآن )  
یعنی او حروف مقطوعه اسرار اللهدن برسر در الله عظیم الشانک  
علمنده مستقل قالمشدر او دخی قرأندر دیمکه نتیجه نیور  
ومحققیندن بعض حروفک هربری بر وجوده و تخصیص الف  
ذات حقّه اشارتدرکه اول جمیع وجوددر و لام عقل فعاله اشارتدرکه  
لسان شرعده جبرایل علیه السلامه دیرلر و اوسط وجوددرکه  
وجود اولدن استقاضه ایدوب وجود اخری افاضه ایدر ( م )  
وجود محمدّه اشارتدرکه اخر وجوددر و دائره وجود انکه وراثه  
تمام اولمشدر .

ایمدی بو حروف مقسم اولدینی تقدیر اوزره تقدیر قسم بویله  
اولورکه الله حقّی ایچونکه جمیع موجوداتک اولیدر و عقل فعال  
حقّی ایچونکه فیوضاتی ایصاله واسطه اولدر و وجود محمد حقّی  
ایچونکه مظهر ذات وصفات واکمل و مکمل جمیع موجوداتدر .  
( ذلك الكتاب ) ای ذلك الكتاب الموعود فی التوریه والانجیل  
بو تقدیرجه ذلكک نک مشارالیهی قرأندر و یاخود علم اللهده معلوم  
اولان کتابه اشارتدر .

تقدیر کلام ( ای ذلك الكتاب المعلوم فی علم السابق الموعود فی  
کتب المنزلته ) اهل تفسیر بونده وجوه کثیره بیان ایده یور .  
فقط بوراده ایرادی قابیل دکل ( لاریب فیہ ) بو کتابده رب یوقدر  
دیمک اولور و قرآن کریمه رب وکان اوزره باقان اکثر کسهلر  
ضلالت اوزره قالدیلر و نظر صحیح و عقل سلیم اربابی عندنده  
قرآن کریم وجوه سائرّه ایله دخی ریدن مبرا اولدینی کی شو

اراده قاطعه مخصوصه ایلهده رب وکاندن بری اولمشدر ( هدی )  
مصدردر و مبتدای محذوفک خبریدر یعنی بو کتاب مطلوبه  
موصلهدر ( للمتقین ) اتقی ایدنلر ایچون متقی اسم فاعلهدر و قی  
یقیدن مصدری و قایه کلور ( الذین ) او یله متقیلرکه یؤمنون  
بالغیب ای یصدقون بما غاب عنهم مما انبیاهم به النبی صلی الله علیه  
وسلم ( غیب غائب معانیهدر ) الایمان اقرار باللسان و تصدیق  
بالجنان ( و یقیمون الصلوة ) دخی اوقات مخصوصه ده صلوة  
مفروضه بی ادا ایلهلر ( و یمارزقناهم ینفقون ) و بزم اعطا ایلدیکمز  
شیک بهضیسندن تصدیق ایدلر معانسی شاملدر و بو مفردات  
مترجمه دن حاصل اولان نتیجه بی شو وجهله افاده ایدر مکّه اول  
قرآن کریم وحی الیهی ایله و یوقاروده تفصیل ایتدیکمز صورتله  
شرفوارد اولمش و مندرجاتنده رب و کانه مستحق بر شی  
یوقدر و کوزلری کورمدیکی حالده پیغمبرلرک افهامی اوزرینه الله  
عظیم الشانه ایمان ایدنلر و صلوة اقامه ایدوب و صدقه و یرنلر  
ایچون اتقانک حصوله دلالت و آنک ضمتده مطلوبه و صوله  
وساطت مقرردر .

دیگر جهته دو نتیجه ایمان ایکی قسمدر بریسی تقلیدی . دیگر  
تحقیقی و ایمان تحقیقی دخی ایکی قسمدر بریسی استدلالی  
دیگری کشفیدر و استدلالی و کشفیدن هر بریسی یا واقفدر علم  
غیه و یا غیر واقفدر .

ایمدی غیر واقف اولنلر علم الیقین مرتبه سندهدر و بونلرک حالی  
( ان الله کانک تراه وان لم یکن تراه فانه یراک ) یعنی الله عظیم الشانه



کورمش کبی عبادت ایدر ایسه ک کورمش صایبورسک اسکر  
کورماش ایسه کده چونکه ذات الوهیت مطلقانی کورر عباره  
ومعناسنی شامل اولان حدیث شریف وجه اوزره تعریف اولتور  
وعلم غیه واقف اولئر عین الیقین ایمان اصحابی دیمکدره .

انلر جناب حق هر حالده وهر شیده مشاهده ایدرلر ( وهو معکم  
ایما کتم ) سرینه مظهریت اعتباریه و بومرتبه ایچون طرف  
رسالتدن ( افضل ایمان المرء ان یعلم الله معه حیث کان ) بیورلمشدر  
وحق الیقین مرتبه سی ایچون دخی قرآن کریمده اشارت اولوب  
اودخی ( یا ایها الذین آمنوا آمنوا ) اولدیغنی صدرالدین قونوی  
حضر تلی بیان بیورمشلردره .

بوده ای الله ایمان استدلالیه ایمان ایدنلر حقیقه ایمان ایدیکزکه  
ایمان بالعیاندر دیمک اولدیغنی نقل بیورمشلردره و بونک ایچون  
معاذ ابن جبل حقنده ( یاسهب و یاسایمان و یا بلال تعالوا من ساعته  
فاتوا الی رسول الله فقالوا یا رسول الله انا آما بالله و برسوله و یقول  
لنا معاذ هکذا قال رسول الله علیه الصلوة والسلام دعوا معاذ فانه  
رجل یحب الله ورسوله حدیث شریفنی حکایت ایدرک بوندیکی  
اشارتی سویرلر و بوندن منفهم اولان ایمان حقیقی جانبده دعوتدر  
دیرلر و حتی زیدک دخی ( اصبحت مؤمناً ) دیدیکی ایمان حقیقی به  
اشارتدر و ایمان عیان و ایمان حقیقی نک علامتی عالم غیده اولان  
حقایقی مشاهده قیلمقدر دیه حکایت ایدرلر و ایمان تقلیدی دخی  
کوره نک اعتباریه واقع اولان ایمانه دیرلر دیه بیان ایلرله .

مشاهده ذات ایچون دخی بو آیت کریمه دن اقتباس واستدلال ایله

( قال ربی ارنی انظر الیک قال لن ترانی ولكن انظر الی الحیل )  
فان استقر مكانه فسوف ترانی فلما تجلی ربه للجبل جعله دكا  
وخر موسى صعقا ) وقتاکم جناب عزت جلت قدرته وعلت تکمیل  
( وواعدنا موسى ثلاثین لیلۃ ) مقتضاسنجه اوتوز کیجه وعده ایدوب  
بعد تکمیل ثلاثین صومدن خلوف قم عارض اولوب مسوا کله  
دهان مبارککرتک تطیب ایلوب ولكن ( خلوف قم الصایم اطیب  
عندی من المسک ) مقتضاسنجه مذکور رایحه نک حصولی ایچون  
( واتمناها بعشر قم میقات ربه اربعین ) نصیاه مشرف و اربعین  
دخی تمام اولدقده سلطان طور مسرور اولدق میقات حقده واصل  
ونائل وکلام حق سامع اولیجق مست و مستغرق عشق اولوب  
( رب ) ای بنم ربم ( ارنی ) بکا کوزک ( انظر الیک ) سکا نظر  
ایدیم ( قال لن ترانی سن سن اولدیغ نک حالده بی کوره مزسک  
( ولكن انظر الی الحیل ) لکن جبله نظر قل ( فان استقر مكانه )  
اگر ایتدی اول مکاننده مستقر وثابته ایسه ( فسوف ترانی )  
عن قریب بی کورر سک ( فلما تجلی ربه للجبل ) وقتاکم رب  
موسی جبله تجلی ایلدی ( جعله دكا ) ای مدکوکا و متلاشیا لا وجودله  
یعنی جناب حق جلی بر وجود دکل ایش کبی مدکوک قلدی  
( وخر موسى صعقا ) ای سقط موسی عن درجه الوجود  
یعنی موسی علی نبینا وعلیه السلام درجه وجوددن سقوط ایتدی  
( صعقا ) ای مغناً علیه وفانیسا دیدکدن و بیضاوی حضر تلرینک  
( وفيه دلیل علی ان رؤیته الله جائزة لان طلب المستحیل عن الانبیاء  
محال ) و عبدالله بلانی حضر تلرینک ( تاحق بد و چشم سر نیم



هردم ( از پای طلب می نشینم هر دم ) گویند خدا بچشم سرنه توان دید ( این ایشانند و من چنینم هر دم ) و سید الطائفه جنید بغدادی حضرت تلرینک رایت ربی ربی فقال من انت فقلت انت انت وقاشانی حضرت تلرینک تفسیرنده حضرت موسی ایام موعوده نك عشر اولنده افنای افعال وعشر تانیسند افنای صفات وعشر ثالثده دخی افنای ذات ایلدکده کأن جناب حق ( لم تجمع المشاهدة مع تلك البقية ولكن انظر الى الحيل ) قول ومعنای علی وجه الترادف ایراددن صکره دنیله بیلورکه جناب حق مشاهده اولتمقدن بعید دکلدن فقط بو قانلی کوز ایله کور یله من انجق مرتبه عشقه واصل اوله بیلوب وارلقده یوقلق شانی حائر اولور ایسه ک اولوقت حضرت حق رائی ومرتئی حقیقته بن اولوب غیریت واثینیت مابیندن رفع اوله رق ذاتی مشاهده تلارم دیر چونکه عشق حق جمیع موجودات و تعینات و ممکنات و ملوناتک روح و روانی کیدر و امراض نفسانی و روحانینک درمانیدر و الحق بر پر تو رحمانی جمادات مرده یه ایرسه زنده و نباتات افسرده و پڑ مرده یه کذر قیلسه فرخنده ایلر نته کم ابن فارضک بو کلامی حجت فارض و برهان لامع و و امضدره

﴿ شعر ﴾

( ولو نضحوا مها قبر میت )

( لعادت به الروح والتعش الجسم )

( وان خطرت يوماً على خاطر امرأ )

( اقامت به الافراح وارتحل الهم )

ولكن على العموم تجلی حق ومشاهدات حی مطلق قان دکلدن و بونده مقتضیات ندر دیان اولور ایسه جواباً ( لوظهرة الحقایق لبطلت الشرايع ) قیدینی ایراد ایله دیرزکه احکام شریعتک علی الاطلاق درکار اولان لزومی جهته خالق متعال حضرت تلری مشاهده الهیسنی خاص قیلدی و افراد بشر صلی الله علیه وسلم اقدم من حضرت تلرینک ( الدنیا حرام علی اهل الاخرة والاخرة حرام علی اهل الدنیا وها حرامان علی اهل الله ) یعنی اهل اخرته دنیا و اهل دنیا یه اخرت و اهل الله بو نلرک هر ایکسی حرامدر عباره و معنای شامل اولان حدیث شریفلری حکمنجه اوج صنفه تقسیم قننور و علوم اوزرینه دخی سوز ایجاب ایدنجه حضرت محمد علیه الصلوة والسلام اقدم من حضرت علیدن مروی اوله رق جامع الصغیرده مقید اولان ( قال النبی صلی الله علیه وسلم علم الباطن سر من اسرار الله وحکم من احکام الله یقذفه فی قلوب من یشاء من عباده ) حدیث شریفی حکمنجه علم باطن اسرار الله یه برسر و احکام الله یه بر حکم اولوب آتی ذات اجل و اعلمی قوللرندن دیلدیکنک قلبه القا ایدر و تعریف و سند ابرازینه حاجت اولمدینی اوزره علم ظاهر دخی موجود و معلوم اولان علم اولوب بناء علیه علوم ظاهر و باطن ناملریله ایکی یه منقسم دنیلور و بوراده بر ایجاب دخی واردر که اوده ذات محمدی بی افاده یه عائد اولمق اقتضا ایدر و ایسته متوکلاً الی الله و متوسلاً الی روحانیت رسول الله اندن دخی بجه شو و وجهه کریشورزکه الله عظیم الشان قرآن کریمده بیوردینی وجه اوزره اول مقدمه



نور نبوت وخاتمة كتاب رسالت عليه السلام والتحيات اقدم من  
حضر تلي خاتم الانبيا ورسول كبريادر ذاتلي انبيا سالفهده  
ظهور ايدن معجزات پيغمبرينك جمله سني حائر بر نسخه كبراي  
كرامت وسعادت ايدى وذات شريفلى ذات نبوتناهيلرينك  
( ان الله سماني في القرآن بسبعة اسماء المزمّل المدثر عبدالله محمد  
احمد طهيس ) حديث شريفلى موجبجه تحقيقا الله عظيم الشأن  
ومالك رقاب الانام اول حبيب خدا ونور جين انيا ورهبر اتقيا  
وسرور اوليا وشفيح روز جزا حضر تليخى قرآن كريمده يدى  
اسم ايله مسما قلمشدر كه انلر دخى المزمّل المدثر عبدالله محمد احمد  
طهيس در وذات محمدىلى بونا ملر ايله مسما ومكرم اوله رق قرآن  
كريمده مذكور وامر باهر الميمت حضرت حق ايله حقه مخاطب  
اولمشدر در .

الله عظيم الشأن مشار اليه اقدم من حضر تليخى المزمّل اسمياه  
( يا ايها المزمّل قم الليل الى قليلاً نصفه او تقص منه قليلاً او زد عليه  
ورتل القرآن ترتيلاً انا سناق عليك قولا ثقيلاً ان ناشئة الليل هي  
اشد وطأ واقوم قتيلاً ان لك في النهار سبحاً طويلاً واذكر اسم ربك  
وتبّل اليه تبتيلاً رب المشرق والمغرب لا اله الا هو فاتخذة وكيلاً )  
الى اخره ومدثر اسميه دخى ( يا ايها المدثر قم فانذر وربك فكبر  
وثيابك فطهر والرجز فاهجر ولا تمنن تستكثر ولربك فاصبر )  
الى اخره وطه اسميه دخى ( طه ما انزلنا عليك القرآن لتشقى  
الا تذكرة لمن يخشى ) الى اخره ويس اسميه دخى ( يس  
والقرآن الحكيم انك لمن المرسلين على صراط مستقيم تنزيل العزيز

الرحيم لتذر قوماً ما انذر اباهم فهم غافلون الى آخره نصوص  
مكارم منصوص صمداني صادر وسامح اولمشدر وعبدالله ومحمد  
واحمد اسمليله دخى سائر ايات كريمه لى ايله يادومتدج بيورمشدر در  
وبغنايت الله العزيز الغفار بوآيات وسور شريفه لى معاني جليله سى  
دخى موقعنده مفسرين كرام افاده لى وجه اوزره عرض اولنور  
تحف دكيدر .

مشار اليه اقدم من حضر تليخى او اخريه قريب برميامة الكذاب  
ظهور ايدرك دعواى نبوت ايلمش وبعدوفات النبي صلى الله عليه  
وسلم مذكور مسيلمه حضرت ابو بكر الصديق رضى الله عنه ايله  
دخى محارب اوله رق قاتل حمزه اولان وحشينك يديله مقتول  
اولمشدر .

ان شاء الله انك دخى احوالى وكندوسنه واقع اولان معامله عرض  
ايديلور وببحث نور وروح وعقل محمدىلى مفيده اولمق مراد  
ايديلنجه مشار اليه اقدم من حضر تليخى ( اول ما خلق الله الدرة  
اليضا ) و ( اول ما خلق الله العقل والفلك النوراني والرحمنى )  
و ( اول ما خلق الله روحى ) و ( اول ما خلق الله نورى ) و ( اول  
ما خلق الله عقلى ) احاديث رسالتناهيلرى حكمنجه واتفاق  
موجبجه جناب خالق متعال تنزه ذاته عن الحدود والزوال  
حضر تلي اول مخلوقات اولمق اوزره حضرت مشار اليه نورى  
وعقلنى وروحنى خلق ودره بيضا وعقل وفلك نورانى ورحمنى  
دخى نور محمدى ديمكدر .

تفصيلاته كلنجه دريدن مراد هر برجرم فلک عقليدر كه عقل اجرام



فلکده حاکم ومدبر صاییلور و بو عقول عقول عشردن عبارت اولور و عقول عشره عقل اولدن وانوار نور اولدن صدور ایتشد و اجرام فلکک عقولدن ظهوری شو و وجهه درکه الله تبارک و تعالی اولاد دره بیضا کبی عقل اولی ایجاد ایلدی و بو عقل اول اسمی کثیره ایله مسمی بر نور مدرک و جوهر قائم بالذاتدر و دائما موجودیله و نور ذات و تجلی صفایتله دائمد و ایسته دره الیضا و علت اولی و قلم اعلا دیدیکمز و بونلردن ماعدا دخی بعض اسمایله تذکیر ایتدیکمز بو مذکور اولان حقیقتدر و بو عقل اوله اوچ وجه توجیه اولمشدرکه وجه اول خالقنی ادراک ایدوب جمال و جلالتی مشاهده قلدینی جانیدر و بوجانب وجوبی و کمال شرفیتی و بو شرافت بر نور شریفی اقتضا ایدر و اول مقتضی نور شریف اول جانبیدن تولد ایدرکه اکا عقل ثانی دیرلر اوده عرشک عقل مدبریدر و بو اعتبار کنندی ذاتی ادراک ایلمسندندر.

ایمندی بوندن دخی نفس حاصل اولور و اکا نفس کل دیرلر و او دخی عرشک نفسی صاییلور و بو اعتبار مخلوقیتی و امکانتی ادراک ایلدیکندندر و بو وجه ادنادر و بوندن جرم فلک اطلس حاصل اولور عقل ثانیدن دخی بو اوچ وجهی شو و وجهه اعتبار ایدرلرکه خالقنی ادراک ایتسندن طولانی عقل ثالث و کندویی ادراک ایلدیکی جهتدن نفس فلک البروج و نقص و امکانتی ادراک ایتدیکندن جرم فلک البروج حاصل اولور و عقل رابعدن دخی عقل عاشره کلنجه قدر عقول بری برینک اعلا اولان و جهلرندن ظهوره کلور

و نفوس فلکیه دخی اوسط اولان و جهلردن وجود بولور و اجرام فلکیه دخی ادنی بولسان جهلردن صدور قلور و مادام عقل کل نفسندن نور یزدان و مظهر اسم رحمان و درلمعان اولدیه عقول عشره نك هر بری اکا منسوب اولمغه فلک نورانی و رحمانی و دری اولور و بو عقلک هر بری جرم فلکده حکومت و تدبیر ایلرلر و فلک رحمانی و دری فلک دخانی به حاکمدر و فلک دخانی دینلمسی دخان و مدورلکه منسوب اولدینی جهلردندر.

معلومدرکه الله عظیم الشان قبل خلق السموات والارض بردر خلق ایتدی اکا نظر جلال ایله تجلی قلدی اول درماء مزاب اولدی و مائک بخارندن اجرام فلکیه بی خلق ایتدی و مراتب اوزره یکدیگره حاکم قلدی و ایسته موجودات یعنی مخلوقات اندن حصوله کلدی و عقل دخی مراتب مذکوره اوزره مخلوق و مزیت مز بوره ایله موجود قلندی عقل اول صور ترابیه اوزرینه حاکمدر و حواس ظاهره و باطنیه سی حواس ظاهره و باطنیه ترابیه سی اوزرینه حاکمدر و عقل کله منسوبدر و ریاح دخی بو صورت اوزره در و بونلر نصل ایسه میاه دخی بویله در و عناصر بشریه دخی بو مرتباتی حائر در و بو صفات حاکمی انلرده دخی وارددر و بونلرک جمله سی استعداد ذاتیلری دائره منده و اصل مراتب اولمشلردر وینه اول استعداد صورتیله ادراک حقیقت ایتشلردر اوله اولنجه آحیق سوبایه لکه جناب حق بو موجوداتی خلق ایتزدن مقدم نور الهیسنندن حضرت محمدک نور نبوتی خلق ایتدی و اول نوری انبیای عظامک النرنده کزدردی صکرده وجود محمدی بی



ایجاد و خالق بیوردی ارواح انبیا و اولیا و اتقیا و عرش و کرس و لوح و قام و قیل و اونسکزی یک عالم حضرت محمد حرمته خالق اولندی.

بناءً علیه حضرت محمدك نوری اشرف الانوار و روحی اشرف الارواح و عقلی اشرف العقول و ذاتی اشرف الخلائق اولوب ایکنجی ارواح و انوار و عقول الانبیا و الرسل و اوچنجیسی ارواح و انوار و عقول الاولیا و دردنجیسی ارواح و انوار و عقول الاتقیاء و بشنجیسی ارواح و انوار و عقول الاصفیا و التنجیسی ارواح و انوار و عقول ارباباً و یدنجیسی انوار و ارواح و عقول العلما و سکننجیسی ارواح و عقول المؤمنین و اونسجیسی ارواح سائر و عقل معاشدر و بونلرک جمه سی دخی بومراتب متفاوته و مرجحه اوزرینه مخلوقدر وله الحمد والمثه بزجه منکر اولمدینی اوزره الله عظیم الشان و جلیل العوان حضرتلری ذات الوهیتی هر مخلوقک خالق اولوب ذات الهیسندن بشقه خالق اولمدینی ذات صمدانیسی حضرت محمد علیه الصلوة والتحیت اقدمزه ( قل کل من عند الله خالق کل شیء و هل من خالق غیر الله ) ودها بوندن ماعدانجه ایات معالی بینات ایله امر و اراده و اثبات بیورمشلردر و ذات و مرتبه محمدی بی شو و جهله افاده ایده بیلوزمکه بیوکلکده جمه دن بیوک و کوچکلکده یالکز جناب حقندن کوچکدر و ( لی مع الله وقت لا یسغنی فیہ ملک مقرب ولا بنی مرسل ) حدیث شریفه نظراً مشارالیه حضرتلرینک حضرت حق ایله بروقتلری واردرکه اول وقتده کندولرینی نه ملک مقرب و نه ده بنی مرسل یتشهیه جکی

مبرهن و مصدقدر و مشارالیه حضرتلری خصایص کونییه سنک مرتبه احدیتله معانق اولدقلرینی کویسترر و ایشته باقکزر مرتبه حقیقت محمدیه لرندن مترجم اولمق اوزره ابن فارض حضرتلری دیواننده ( تعانقت الاطراف عندی و انهلوی بساط السوی عدلاً بحکم السویة ) یتنی نه کوزل بیورمشلردر.

اما شوراسنی عرض ایده یتکه بعض کسینه لک اعتقادلری وجه اوزره حضرت محمد جناب حق ایله شان احدیتده مشترک و مساوی دکلدرد.

انجق مرتبه مخلوقات اعتباریله اک برنجیدر و خلاصه مشارالیه علیه الصلوة والسلام اقدمز حضرتلری مرتبه رسالتی مرتبه نبوتی مرتبه محبوبیتی مرتبه حکمتی مرتبه ولایتی حائزدرلر و ذات پیغمبریلرینه نازل اولان والحمدلله تعالی بزجه احکام جلیله تمسک ایدلمش بولسان قرآن کریم دخی ( والله متم نوره ولو کره الکافرون ) و انانحن نزالنا الذکر و انالله لحافظون ) ایات کریمه لری ایله مظهر مدیحت اولمشدر و ایشته باقکزر الله تبارک و تعالی حضرتلری هر نقدر کافرلر اکراه ایتسه لر بیله نور الهیسنی اتمام ایتمش و قرآن کریمینی کمال عظمت و قدرتیله محافظه ایلیمکده بولتمشدر.

و ( فمن بدله بعدما سمعه فانما اثمه علی الذین یبدلونه ) و ( ان الله سمیع علیم والحمدلله رب العالمین ) مصداقلرنجه الله عظیم الشان اول قرآن کریمینی تبدلدن تغیردن و شرائر اعدادن مصنون قلمشدر



وبونلرك مغالری علی وجه الاجال والاختصار ( الله تبارك وتعالى نورنی متممدر اكر كافر لكر اكرام ايدرلر ايسه ده تحقيقاً الله عظيم الشان ذكرى يعنى قرآن كريمى حضرت محمده انزال ايتدى زمان رسالتنه وكندودن شكره حافظلردر وبوقرآن كريم الشانى بعد الاستماع هر كيم تغير ايتكم ايسه اتم كندى اوزرينه اوله جفنده شبهه يوقدر والله عظيم الشان بسميع وعلميدر يا محمد حمد ايله رب العالمينه ديمك اولور وايشه بوراسندنده اكلا شيلوركه قرآن كريمه نقصان اسنادى تغير و تحريف اولتمش افتراسى قابل اطمئنان اولمز الله ايجون باقيكز باقيكزده بولنديغمز شوحال سعادت اشمالدن طولاي الله شكر ايديكز زيرانه بيوك شرف وسعادتدركه الهى بيلورز ونقدر اولو دولت ومزيت وممتازيت كه حضرت محمده امت اولمشز ونجه جسيم وجليل نعمتدركه قرآن كريم بزم كتاب امتسا كمزدر وندرلو على مسعدت كه احاديث نبويه محفوظ ومضبوطمز اولمش ونقدر جميل موفقيتدركه اصحاب كزين ترتيب دين وتعريف يقين ايتشدروهر نزميه كيتسك قرق بش نوع قرآن دكل برقرآنه تصادف ايدرز اويله اولنجه شرعة الاسلام صاحبنك ( اذا سلم النبي صلى الله عليه وسلم سلم ثلاثاً واذا كلم كلم ثلاثاً كما قال عليه السلام اياكم والوصال اياكم والوصال اياكم والوصال وكما قال النصيحة الدين النصيحة الدين النصيحة الدين ) ديديكنه وعن كعب ابن مالك قال اذا اكل النبي عليه السلام ياكل بثلاث اصابعه وروى البخارى عن مولى عثمان اخبر انه رأى عثمان بن عفان رضى الله عنه دعا باناء فافرع على كفيه ثلاث مرار ففصلها

تم ادخل يمينه في الاناء فمضمض واستنشق ثلاثاً ثم مسح برأسه ثم غسل رجله الى الكعبين ثلاث مرار قال قال رسول الله صلى الله عليه وسلم من توضأ نحو وضوئى هذا ثم صلى ركعتين غفرله ما تقدم من ذنبه ) حكمه بالتبعية والتمسك الحمد لله على دين الاسلام وعلى هداية الرحمن والصلوة والسلام على رسولنا محمد الذى اوصانا بالايمان وعلى اله واصحابه ديه مرة بعد اخرى اوج دفعه حمد وصلوة وتحيات ايفاسيله بوبخنى بز وقرائتى بسز بوراده براغهرق مباحث سائرهمه نقل خامه ومطالعه ايليه لم .

معلومدركه بوزايه قدر جريان ايدن صور محرره دن الله عظيم الشان ورسول اكرمى اولان حضرت محمدى وشان ومزيت وعقل وروح محمديلرني وسماي واجرام فلكيهي وعقول ومراتب بشريه يي وايمانك اعداد واقامنى واعتقاد وعلمى ويقينى ومشاهدة الله انسان ايجون برامرحال اوليوب اقناى ذات وقوعنده هدايت ومراد الهى ايله ميسر اوله بيله جكنى ودين اسلامك مرغوبيت ومقبوليتى وقرآن كريم تغير وتحريف قبول ايتيه جكنى افاده ايتدك ان شالله بوندن يعنى يوقروده جريان ايدن وعدمزى انجاذ ضمنتده اصحاب الكهف حضراتندن دخی بيان معلومات ايتدكدن صكره سائر فقرات مياننده مراتب خلقت ندن ونصل واقع اولوب سمدخى بعضيلرك ديدكلرى كبي دكل قرآن كريمك حكيمى موجبنجه مبنياتدن اولديغنى وشمديكى كورديكمز ابنائى جنسمزدن اول يعنى ادم وابناسندن مقدم مخلوقات الهيه اولمق وآنلر دخی مكلف بولمق اعتباريله نقدر مخلوقات كلوب



چکدکریخی علی وجه الاختصار عرض ایدہ جکر اصحاب الکف  
حضراتی نصل اولش دینلره دیرزکه بونلر حقندہ قصہ های کونا  
کون صفحہ زمینی احاطہ ایتش وهرکس دخی بر درلو سامع  
اولش ایسده اصح اوزره منقول اولان اقوال نتیجہ سی شوندن  
عبارتدرکه عاجزلرینک مملکت اولوب اعصار سالفده سوس ودها  
صکره افسوس وشمیدی طرسوس اسمیله سما اولان مملکت  
مشار الیهم حضراتیله منسوب اولدقلری دقایانوسک مقری ایش  
طرسوس اطنہ ولایتی داخلندہ برقضادر فقط اطنہ ولایتہ وسعجہ  
مساوی دکل ایسده بکده چوق اره لرمن وطرسوسده اولان  
روحانیت اطنہده یوقزیرا طرسوسک اون دقیقه یوقروندن نہر  
بردان معظماً جریان ایتکده اولدینی کبی مذکور اون دقیقه ک  
محلده بندباشی دنیلور بر موقع وارکه اوراده صولره مقسم ویرلش  
بناءً علیہ نہر مذکوردرده مقسوم اوله رق بریسی شهرک وسطندن  
دیگری صاغنندن اوبریسی صولندن ودردنچییسی اووچ ارماغه  
معادل اولوب شهرک صول جهتده کی یکر می بش اوتوز دقیقه ک  
مسافه لی محندن جریان ایدہ یورہ

طرسوسک درونی وایکی طرفی بانجه لرله مزین اولدینی کبی ذکر  
اولنان بند باشی جهتندن شمالی اولان محللرک برباشندن دیگر باشه  
قدر مملکت ارقہ سی یوکسکی الجاقلی طاغلر و تپہ لر ایله محاطدر  
بناءً علیہ طرسوسده انشراح وانبساط قلوب ایچون متعدد مسیره لر  
بوتوز وهله ایسته اوشمال جهته کیدیلور ایسه هوای نیسی  
قوقلانور ودها کوزل برخاصه وارکه ایام ربیعده عرض ایتدیکم

بانجه لرده کی ترنج و پرتقال و طاتلی واکشی لیمونلر و اشجار سائرہ  
متوعه چیچک آچنجه وکللر عزار کلکونلری کوسرنجه ارتق  
وقت سحرکی اوقاتک المنشرح و متهجنده طرسوسک درونی  
کوزل کوزل قوقولر احاطہ ایدر و دروننده مدفون بولنان دانیال  
نبی علی رسولنا وعلیه السلام ایله حضرت لقمان وبلال الحبشی و سائر  
انبا و اصحاب و اولیانک مقام مبارک لری اصحاب الکہف حضراتک  
اوچ ساعت ارقہ ده اعتلا ایتش برجل معظم ایله مشرف اولدقلری  
کورنجه نہ کوزل بر مملکت ایش دیه سندہ پسند ایدرسک ایسته  
اوراسنک مقدما مسلمان وصال برپادشاهی اولوب آنک وفا تندن  
صکره عجم ملوکندن دقایانوس اسمنده کی مذکور ملک عساکر  
کثیره سیله و مشار الیهم اصحاب الکہف حضراتیله بابلدن طرسوسه  
کلشدر دقایانوس وجودینک قواسنه و امرینک عدم تأخرینه و اقتدار  
مالینک چوقلغنه مفرور برشی اولدیفندن نصله اولیا شیطان  
اوله رق اوتانندن تکریلق دعواسنه قیام ایله چوق یرلرده ایقاع  
مظالم و تعدیات ایدرک شراره نار ملعننی طرسوسه دخی صاحبش  
و چوق دلیری قاندرمش دعوا بویله جریان ایدہ یور و خلق  
دخی فرقه فرقه کندوسنه تابع اولقده بولنه یور ایکن یلیخا  
مکسلینا میلینا مرنوش دبرنوش شاذنوش حضراتی ذاتاً مرقومه  
ذره قدر قلباً متایل اولیوب کزلی کزلی توحید حقده قائل  
و تسبیح رب متعالده مشغل ایتلر دیرکن دقایانوس دها زیاده  
سطوته مالک بر ملک ظهور و هجوم ایدنجه مرقوم دقایانوس  
شاشالامش و مشار الیهم حضراتی دخی بربری بیتده ( دقایانوس



دخی مخلوق اولسه ایدی عدودن قورقز واکا غالب کلور دیوب  
 قبول ایتمز ایدی افاق وانفسه نظر ایتدیکجه صانع ومدبریمزک  
 وارلغنه بنده علم یقین وکامل حاصل اوله یور ) دیه مکسلینا  
 طرفدن واقع اولان افاده بی تصدیق ایتدکلرینی دقیانوس مأموزین  
 خفایا معرفتیه ایشیدنجه مشار الیه هم حضراتی اعدام امر ایتمش  
 فقط اولانده دقیانوسک وکلاسی یادقیانوس بونلر عاقل وصالحر در  
 وسنک وکلا زاده لرکدر بونلری اعدام ایتمک راضی دکلز بلکه  
 سکا عبادتی قبول ایدر لر کندولری بویکجه امهال ایله دوشونسونلر  
 دیمکدن ناشی امهال اوله رقی کجه مشار الیه هم حضراتی خانه لرندن  
 بر مقدار ییه جک واجه الوب شهر دن خارج فرار ایدر لر ایکن  
 بر چوبان مشار الیه هم حضراتنه مصادف اولوب رفاقت ایدر  
 واسباب فرار لرینی تفحص ایلر واللهدن بشقه عبادته لایق اولمديغی  
 تصدیق وعهدنده ثبات وعد ایله مشار الیه می تأمین ایلر بونلری  
 کورنجه چوبانک کلبی دخی ارقه لرندن او یار مشار الیه هم حضراتی  
 کلبی دفعه ورده قیام ایدر لر بناء علی ذلك کلب لسانه کله رک بندن  
 نه ایسترسکز بنده اللهک احبابی سوه رم بونک ایچون سز که  
 رفاقت ایده یورم بلکه او یودیفکز وقت دخی سزه بکجیلک ایلرم  
 دینجه انکدخی رفاقته قائل وراضی اولوب نهایت طرسوسه اوج  
 ساعت مسافه سی اولان بنا خلوس طاغک جنوب جهته کی  
 غاره کر مشلر و بر مدت صکره علی الفور کتورمش اولدقلری  
 ییه جکک عدم کفایتیه منی تفکر ایدر لر ایکن غارک قپوسی  
 اوکنده قورومش اولان براغاج قدرت بالغه صمدانیه و همت

معظمه سبحانیه دلالتیه یشللنوب میوه و بر مک و مغارده برده  
 ماء لذیذ طاملمغه باشلامش و بر مدت دها امرار اولندقدن صکره  
 مشار الیه هم حضراتی یاربنا بزه رحمت و مغفرت احسان ایله و بزی  
 بوراده دشمن شرنندن ازاد ایدوب نیتمزده صادق ایله دیه دعا ایدرک  
 او یوم مشلر دقیانوس بونلری اقر بالرندن ایستمش انلرده نریمه کتدکلرینی  
 بیلمدکلرینی افاده ایلملری اوزرینه اراتدرمش طراتدرمش ذکر  
 اولنان غارده اولدقلرینی خبر المش خزینه داری مارنوس ایله برابر  
 وارکان وعسکرندن بعضیلرینی الهرق ذکر اولنان طاغ کیدوب  
 مشار الیه هم حضراتی طیشاری چاغرماسنی مارنوسه امر ایتمش  
 اودخی باقمش بونلری آچلقدن اولمش ظن ایدرک دقیانوسه بونلر  
 آچلقدن اولمشلر دینجه دقیانوس دخی وارسونلر وفات ایلسونلر  
 مغاره نک قپوسنی محکم قپایوب احوال لرینی باقردن بر لوحیه حک  
 وتسطیر ایله غارک قپوسنه تعلیق ایدیکز دیه رک بعدالامر شهره  
 عودت ایلمش و مشار الیه هم حضراتی دخی احوالده قالمش و قنا که  
 حضرت غیسی علی نبینا وعلیه السلام دنیایه نبوت ایله بعث  
 بیوریلوب و طرسوس اهالیسی دین عیسی ایله متدین اولوب  
 حضرت مشار الیه وقعه معلومه وقوعیه سباه عروج ایتدکدن  
 صکره اهالی مرقومه نک بر قسی حشر اجسادی و بعض حشر  
 اجساد مع الارواحی انکار و پادشاهلری عبد الرحمن مسلم و عادل  
 واعتقادی درست اولغله خلقک اصلاح اعتقادلری ضمنتده  
 بر علامت ظاهره و قدرت باهره اظهار و اراده بیورلمسنی جناب  
 حقن تنی واستدعا ایدنجه مشار الیه هم حضراتی باذن الله او یقودن



قال قمش وقارنلرینک اجلنی جهته یلیخا حضر تلی دیر  
ما کولات ضمنتہ طرسوسہ کوندرلشدہ.

مشار الیہ یلیخا حضر تلی یانلرنده موجود اولان پارہنی  
اتمکچی یہ ویرہرک اتمک المق ایتمش ایسده پارہ دقیاوس سکسی  
التمہ اولدیغدن طولانی دفتہ بولدی دیہ اتمکچی طرفدن حکومتہ  
ارائہ اولنہرق ملک مشار الیہ حضورینہ حقیقلش ملک یلیخا  
حضر تلی بو پارہنی ترہدن الدک یوخہ دفتہ می بولنک دیہ  
سؤال یلیخا دخی یارب بونلر نصل ادملردر کندی ملکلرینک  
پارہنی المق ایتمہرک قیل وقال ایده یورلر.

بن پارہنی دونکی کون یانمہ الدم بو کون اتمک المق ایتم ویرمز لر  
دونکی کون بکا هرکس اعتبار ایده یور ایدی نفوذیمی طانیور  
ایدی بو کون بنی طانیملر بوندر بن دفتہ بولدم بو اچہ مملکتک  
اصل ملکی دقیاوسنک پارہسیدر دیہ افادہ ایدنجه مشار الیہ ملک  
عبد الرحمن یکت بو مملکتک اصل ملکی ایستہ بنم دقیاوس  
دیدیکک کیم اولہ یور وحمدہ دقیاوس کچہ لی برقاج یوز ییل اولدی  
حتی بن آنک کبی کافر دخی دکلہم دین عیسی ایلہ مؤمنم دیمسی  
اوزرینہ یلیخا حضر تلی عیسی علیہ السلامی سؤال ایدر ملک  
دخی علی وجہ التفصیل بیان وعیسی علی نبینا وعلیہ السلامک  
سمایہ عروجنی یعنی سمایہ طرف رب منانندن شرفصادر اولان  
حکم و ارادت و قدرت ایلہ مرفوع ایدوکنی افادہ ایدر وبوصورت  
ایسہ مشار الیہ یلیخا حضر تلینہ بادی حیرت اولور.

مع مافیہ یلیخا حضر تلی سوزینہ ینہ دوام ایدرک حتی بن

دقیاوسک مقربلرندن ایدم فلان محلد خانہ من دخی وار ایدی دیر  
ملک دخی خانہنی وکندوی بیلورکمنہ واریسہ انلری ارائہ اتمک  
اوزرہ یاننہ آدملر ترقیق ایلہ مملکت دروننہ کوندر یلیخا حضر تلی  
مملکتی طولاشور کندوسنی بیلور بر آدم کوسترہ من خانہنی  
اور بولہ من دیرکن جناب حق ومعین مطلق حضر تلی بر ملک  
انزالیلہ یلیخانی افہام ایدنجه مشار الیہ خانہنی بولور وقوی  
اورر خانہ درونشدن بریر کلور قوی نیچون اور دینقی یلیخا  
حضر تلرندن استفار ایدر یلیخا دخی بو خانہ بنم اولدینقی  
ایچون قوی اوردم دیر ییردخی سننہ سویلہ یورسک بن یوزاللی  
یاشندیم بواودہ طوغمش بیوشم خانہ بنم مالدر دیش ایسده  
یلیخا حضر تلی سکا یر نشان کوسترہ یتدہ بو خانہ بنم مال اولدینقہ  
مطمئن اول دیہرک خانہنک برجهتدہ کندوسنک دفن ایتدیکی  
پارہنی خبر ویررک محانی دخی ارائہ ایدر اوراسنی حفر ایدر لر  
مدفونات دیدیکی کبی چتارہ.

بناء علیہ یرہم متعجب اولور وحمدہ سوزینہ دوام ایلہ خانہنک  
دقیاوس زمانندہ انشا اولنوب کندوسنہ پدری طرفدن واکا  
دخی پدری یلیخادن منتقل اولدینقی ویلیخا حضر تلی دخی  
دقیاسک ماینجینی فقط دقیاوس کبی دکل مؤمن ایدوکنی  
وبناء علیہ دقیاوسک دعوتشدن قورتللق ایچون ارقداش لریلہ برابر  
فرار ایدرک طاغده وبرغاردہ کزلتمش ودقیاوس دخی بونلرک  
اورادہ اولدقلرینی خبر الہرق کیدوب برکشف تعرضیدن صکرہ



کړک یملیخا وکړک رفقاسنی اولش ظنیله غارک پنجره سنی محکم  
قاندیررق عودت ایتدیکنی سویلر.

سوز بورایه کلنجه یملیخا حضرتلری ایشه اوسولدیکنک یملیخا  
بنم و بووقوعات دخی بزم وقوعاتزدرو بوجالده سن بنم حقیدم سنک  
دیه حقیدی ایله اوپوشوب سوشمشلر وخلق دخی قوت الهیه نک  
نه درجه حیرت بخش عقول اولدیغنی ذکر ایله مشارالیه  
حضرتلری ملکه اعاده وماجرایی نقل وحکایه ایتمشلر.

اوراده یملیخا حضرتلری دین عیسانک کندوسنه تلقین اولتمنی  
ملکدن رجا ایدوب بعدالتشرف بالایمان عودت قیدینه دوشمش  
وملک وارکانی طرفدن مملکت مزده قال سزک ایله مشرف اوله لم  
دیه رجا ایتمشلرایسده ارقداشلرندن طولای غاره عودته  
مجبوریتنی درمیان ایدرک تکرار غاره کتمش وملک وارکانی  
دخی برازنده بولتمشلر وغاره تقرب ایدنجه بوجمیت دقیانوس  
مظالمی هنوز خطرلرنده اولان ارقداشلییه باعث خوف وتلاش  
اولور آنک ایچون غاره بن یالکز کیریم سزده طیشاروده  
طوریکز دیه یملیخا حضرتلری سویلمسی اوزرینه ملک مشارالیه  
شارالیهک اولوجهاه وقوعبولان افاده سنی قبول ایله طیشاروده  
قالمشلر ویملیخا حضرتلری غاره کرمش رفقاسنی یمکدن صکره  
بووقعه دن خبردار ایتش انلردخی برازتفکر و دین عیسایی قبول  
ایدرک بالاتفاق حال سابقلرینه عودتی الله عظیم الشانندن استدعا  
ایتمشلر وجناب حافظ مطلق مشارالیه حضراتی کافی السابق  
اویوتش منتظرین و مترقین طیشارو چیقان اولدیغنی کورنجه

استطلاع احوال ضمنتده غاره تقرب ایله دخول قصد ایتمشلرایسده  
مشار الیه یملیخا حضرتلرینک حقیدی قبولدن باقش بونلرک  
بیروح کبی اویقوده اولدقلری کورمش واو صروده غارک قبوسنی  
دخی قیامش وکندولرده شهره عودت قیدینه دوشمشلر.

روایتده ابن اسحقه اسناد اولنان قوله کوره اشبو اصحاب الکهف  
حضراتنک اویقودن اویاندقلری زمان طرسوس اهالیسنک  
برقسی خسر اجسادی و دیگری خسر اجساد مع الارواحی  
انکار و اول عبدالرحمن اسمنده کی ملک مسلم و عادل دخی انلره  
مخالفت ایله برعلامت ظاهره و ساطییه بوخلقک تصحیح  
اعتقادلری جناب حقندن ذات جلیل رب مطلقندن استدعا ایلر  
ایتمش ارتق دعا قبول و بووجهاه ظهورات اولنجه اعتقاد تصحیح  
ایتمش و مرویدرکه سیدالبشر و فخرالعوالم علیه افضل الصلوة  
والتحیات اقدمز حضرتلرینه تبلیغات قرآنیه ایله بووقعه معلوم  
اولنجه مشار الیه اقدمز بونلرک دین مبین محمدیلری ایله دخی  
تشرقلری ارزو وجناب حقندن تمی ایلمش و اجازت سبحانیه  
وقوعته بناء ردای سعادتلرینه چهار یارکزین حضراتی اقعاد  
وحضرت سلیمان مسخر اولان ریج وداعتیله غاره ارسال بیورمش  
وحضرات اصحاب الکهف دخی اول دین اشرف ایله ده مشرف  
اولمشلر و چهار یارکزین رضوان الله تعالی علیهم اجمعین حضراتی  
عودتله کیفیتی علی وجه الوقوع علیه الصلوة والسلام اقدمز  
حضرتلرینه عرض وحکایت ایتمشلر.

اصحابدن محمد ابن کبیدن دخی روایت اولدیغنه نظراً اشبو



اصحاب الکھف حضراتی یوم قیامتہ یقین و حضرت عیسانک روی  
ارضہ عودت و نزولنی متعاقب بردخی بیدار اولوب بیغمبر مشار  
الیہ حضرت تریلہ مأمور اولدقلری موادی تسویہ و بعدہ وفات  
ایده جکلیر ایش مشار الیہم او یقوده ایکن ( و ترالشمس اذا طلعت  
تراور عن کھفہم ذات الیمین و اذا غربت تقرضہم ذات الشمال )  
ایت کریمہ سی حکمنجه کونش طلوعنده صاغ طرفلرینه میل  
وغروبنده صول طرفلرینه کیدر ( و تحسبہم ایقائاً و ہم رقود  
و نقلہم ذات الیمین و ذات الشمال ) موجب عالیبنجه دخی مشار  
الیہم او یقوده ایکن من طرف الرحمن صاغہ وصولہ چوریلورلر  
و کندولر دخی او یائق ظن اولتور ایش ( و کلہم یاسط زراعہ  
بالوصید ) و ( لو اطلعت علیہم لولیت منهم فراراً ولت منهم رعياً )  
ایات کریمہ لری ایلہدہ حضرت محمد علیہ اکمل الصلوٰۃ والتحیۃ  
اقدمزہ جناب حق بیورہ یورکہ یا محمد اکر سن آنلرہ نظرلہ مطلع  
اولہ ایدک خوفکدن کرو دونوب قچار ایدک و قلبک انلرک  
قورقوسیلہ طولار ایدی ( و كذلك بعثاہم لیتسألوا بینہم قال  
قائل منهم کم لبثتم قالوا لبثنا یوماً او بعض یوم ) و بو آیت کریمہ  
حکمنجه دخی بیوریلہ یورکہ بز شان الوہیت و قدرت صاحبی  
آنلرک بیدلرینہ قاج کون او یقوده قالدقلرینی بری برندن سؤال  
ایتمک ایچون بر بشت خفیہ و یردک آنک اوزرینہ ایچلرندن  
برسی سائرلرینہ خطاباً قاج کون او یودق دیہ سؤال ایتدی  
انلر دخی برکون یاخود برکوندن بعض اولہرق او یودق دیدیلر  
وصکرہ ( قالوا ربکم اعلم بما لبثتم فابشوا احدکم بورفکم ہیذہ

الی المدینۃ فلینظر ایہا اذکی طعاماً فالیأتکم برزق منه ) موجبنجه  
مشار الیہم حضراتی قاج کون و نمقدار مدت او یقوده قالدقلر یمزی  
ربز تعالی و تقدس حضرت لری بیلور دیرک یوقارودہ تفصیلات  
مکملہ ایلہ عرض ایتدیکم وجہ اوزرہ یملیخا حضرت لرینی طعام  
تدارکی ایچون طرسوسہ کوندردینر و دخی مدت نوم ( و لبثوا  
فی کھفہم ثلث مائة سنین و ازادوا تسعاً ) نص جلیلی اقتضاسنجه  
مشار الیہم حضراتنک او یقوده قالدقلری مدت او چیوز طقوز  
سنہ دن عبارتدرہ

صورت افادہ مشار الیہمک عددینی تبیینہ کلنجه ( سيقولون ثلثة  
رابعہم کلہم ) آیت کریمہ سی موجبنجه بعضیلر اصحاب الکھف  
اوچدر دردنجیسی کلبریدر ( و يقولون خمسة و سادہم کلہم رجاً  
بالنیب ) آیت کریمہ سی مدلولنجه بعضیلر دخی اصحاب الکھف  
یشدر التجیسی کلبریدر ( و يقولون سبعة و ثامنہم کلہم )  
آیت کریمہ سی موجبنجه بعضیلر دخی اصحاب الکھف یدیدر  
سکزنجیسی کلبریدر دیمشرا ایسده ( قل ربی اعلم بعدتہم  
ما یعلمہم الی قليل فلاتمار فیہم الامراء ظاهراً و لاتستفت فیہم  
مبہم احد ) و ( قل الله اعلم بما لبثوا له غیب السموات و الارض  
البصریہ و اسمع مالہم من دونه من ولی و لا یشرک فی حکمہ احدا  
واتل ما اوحي اليك من کتاب ربك لا مبدل لکلماتہ و لن تجد من دونه  
ملتحد ) او امر باہر المزایاسی حکمنجه جناب حق رسول اکرم  
و نبی محترمی اولان حضرت محمد علیہ الصلوٰۃ والسلامہ انلرک عددینی  
ربم جل شانہ بیلور و ناسدن از کسہلر بیلورلر و اصحاب الکھف



ماده سنده اهن کتاب ایله دقلوجه مجادله ایتمه انجق ظاهرجه قرآن کریمده اولانی قرائت ایدوب انکله اکتفا ایله بیورلمشدره . غاردن معلومات المی استرایسه کز شویله دیرمه غار ذکر اولنان طرسوسک شمال شرقیسنده واقع و طرسوسیدن علی التخمین بیک زراع ارتفاعنده کائن اولان مذکور جیلک جنوب غربیسنده وشاهقک اوچوز ارشون اشاغیسنده ویریوزندن \* اون بش ذراع زمینده واقعدر قوسی شرقه متوجهدر قیونک اوکنده خلقی قیالر وار مذکور قیالر اوزرنده غایت قدیم بر زیتون اغاجی وار قیو ایله قیا میاننده برارالق یولی وارکه اویولک توجهی قبله یه در قیودن دخولزده تحجر ایتمش برهیکل بولنور . فقط بو هیکل انسانه بکزه من مبسوط الرزاعین بر حیوان هیکنه مشاهد رانی بر قاج بصماق ایله اشاغی ایندی کمزده وسعتلی بر میدان کوریرز میدان همان مدور الشکل دنیه ییلور بو میدانک شمال جهته دخی یردن ایکی ارشون قدر مرتفع بر دلك کوریلور که همان بر بیوجک ادم استیعاب ایدر و غایتی مشهوددر .

میدانک اوکنده یعنی قبله یه متوجه جهته بر آدمی تماماً وقائماً قبول ایدم جک بر قیو وار او قیودن ایجرویه دخول ایدرز .

ارتق کتدکجه کیت ایجروسی غایت مظلوم بر یول بولنور بر ساعت ایلور و همده الجاغنه کیدنجه اباغکه رطوبت طوقور بونک منتهاسی معلوم دکل اومیدانک اوزری خلقی قیالی و درون دیواری کل طور اقدندر .

ایسته خلاصه الخلاصه دقیا نوس طرسوس ملکی و همده بت پرست اولدینی حالدیه اولوهیت دعواسنه صاپشمش و اصحاب الکهف حضرت اتندن یلیخا مکسلیا مسلیا مرنوش دبرنوش حضرتلری دخی رجال دولتی و کفش ططیوس دخی عند الفرار یولده کندولره رفاقت ایدن حیوان و قطمیر دخی ارقه لرندن اویان کلب ایتمش و بونلر اوچوز طقوز سنه او یقوده قالمش و صکره طرسوس اهابلیسنک حشر و حشر مع الاجساد امر باهرینی منکرلر ایکن بونلره ای اوتانلر خالق کل شی اولان الله عظیم الشان آنک صحتدن سزه بر رهان قدرت کوسترمک ایچون ایسته او قدر سنه در او یقوده بولنان اجسام لطیفه یی باقی کز نصل اویاندردی وحی اوله رق ایچلرندن بریسنی دخی یانکزه قدر نصل کوندردی دیک اوله رق بونلری او یقودن قالدیرمش و بوندن صکره دخی اهالی مرقومه نك اعتقاد لرینی تصحیح ایله غارک بولندینی جیلک بر طرفه مسجد بنا ایتدیرمش او یله ایسه قیام ساعت ایچون کوکلرنده کفر طاشیانلره جواباً جمله من بر لشه رک و بر آغزدن ( ان وعد الله حق وان الساعة لاریب فیها ) آیتی اوقویه رق تحقیقا الله عظیم الشانک وعدی حقد و تحقیقا حشر مع الاجساد یعنی قیامت کوننده الله عظیم الشانک جمله مخلوقاتی مجسداً دیرلدوب میدان محشری انلر ایله طولدیره حق و بونده ریب و کان اولمز دیه سربست سربست سوبیله لم .

معلومدرکه یوقروده بر لوح بخی بکمش ایدی لوح مشایخ صوفیه قتده درتدر وانلره سند ( قال رسول الله علیه الصلوة والسلام

اول ما خلق الله النور ( و ) قال رسول الله اول ما خلق اللوح ( و ) قال رسول الله اول ما خلق الله القلم ( و ) قال رسول الله اول ما خلق الله العقل ( احادیث سنیه سی اولوب بناءً علیه لوح عقل کل و حقیقت محمدیه و قلم اعلا در و ام الكتاب در دیر لر و بوجوه صحیح در دنیا بهیلور .

چونکه براهین ایله مبتدرکه جناب خالق متعال حضرت لر هیج برشی خلق ایتمزدن اول کندی نورندن نور محمدی بی خلق ایتمدی اندن ارواح انبیای و اندن دخی ارواح اولیای و اندن ارواح مؤمنین و اندن یری و کوی و جملة اشیا و ارواحی خلق ایتمدی و دیگر جهته دوتجه قال رسول الله علیه الصلوة و السلام اول ما خلق الله عقلی و نوری و روحی بیورمدرکه بوبویه اولجه لوح و قام اعلا بوکا متفرع اولور و مبتدای مخلوقات نور و روح و عقل محمدیدر و ایسته ارواح طیه نک مجموعنی طوبلارز محمد اولور و آیری آیری نشر ایدنجه انبیای سائر و اولیای موجوده و سالفه و مؤمنین لاحقه و سابقه و عرش و کرس و لوح و قلم اعلا اولور و اول ما خلق الله درة الیضاء دخی بوندن آیری و غیری دکلر سوز لوحه کلنجه لوحده هرشی ایچون بر موعده وار و مقدرات تا ازلدن آنده مقیددر و وقت حلول ایتمدیکجه حکم ظهور ایتمز و الله تعالی حضرت لر دیلر سه مسطورات و موجودات و مقیداتی محو و نسخ و دیلر سه اثبات ایلر و ام الكتاب دخی عند الوهیتده در نته کم سورة رعده بیورلمشدر ( و ما کان لرسل ان یأتی بأیه الا باذن الله لکل اجل کتاب یمحو الله ما یشاء و یتثبت و عنده ام الكتاب )

ایات کریمه سی مقسرين نور الله قلوبهم حضرت ائی قول لر نجه ( و ما کان لرسل ) ای ماصح لرسل و لم یکن فی وسعه ( ان یأتی بأیه ) ایات اللهدن بر آیت کتورمک ( الا باذن الله ) قابل دکل و وسع و اقتدار لر داخنده دکل الا الله عظیم الشان حضرت لر ینک اذن و اجازت لر یاه ( لکل اجل کتاب ) اوقاتدن هر وقت و ازماندن هر زمان ایچون کتاب وارد و حکم ظاهر اولمز الا اول اجل موعود و مکتوبک حلولیه ظاهر اولور ( یمحو الله ما یشاء ) الله عظیم الشان کتاب اجلده مسطوره اولنلردن دیلدیکنی محو ایدر ( و یتثبت ) و دیلدیکنی اثبات ایلر ( و عنده ام الكتاب ) زیرا ام الكتاب نزد الوهیتده در .

ایمدی بو مفصلات و سائر اقاویه بناءً لوح عقل کله منقش اولان امورده من بعد تغیرات و تبدلات عارض اولمز ثانیاً لوح قدرکه نفس ناطقه کلیده در لوح اولده بجهل اولان امور بولوحده مفصلدر و بوکا لوح محفوظ دخی دیر لر ثالثاً لوح نفوس جزویة سماویة که بونده منقش اولان امور دخی ثابتدر رابعاً لوح هیولیدرکه قابل صورتدر بولوحه بو عالم شهادتده لوح محو و اثبات دخی دیر لر و قالب بشریت ایینه قلب سعادت و شقاوتدر بشر اکر لوح محفوظده سعید مقید اولدیه قالب طریق سعادتدن بشقیه متعازم و متحارک اولمز و اکر بشر لوح محفوظده شقاوت ایله تقید قلندی ایسه ینه قالب طریق شقاوتدن ایریه من ایسته بو محکیاته ( السعید سعید فی بطن امه و الشقی شقی فی بطنه امه ) حدیث شریفه تماماً مطابقت



ایدر وبالافتاق حضرت علیدن مرویدرکه کرم الله وجهه ورضی الله تعالی عنه بیوررلر ( قال رسول الله عليه الصلوة والسلام مامنکم من احد الا وقد کتب مقعده من النار ومقعده من الجنة قالوا افلا ن شکل علی کتابک یا رسول الله قال اعملوا فکل ميسر لما خلق له ) یعنی هرکس خیردن وشردن ازله خلق اولدینی عملی موفق و مسهلدرکه اهل جنت ایسه سبب جنت اولان اعمال کندویه ميسر واسان اولور و اهل جهنم اولدیسسه موصل دوزخ و نیران اولان اعمال کندویه مسهل و میسر در و بو حدیثی مفسر اوله رق حضرت علیه اکمل الصلوة والتحية اقدمز حضرت تلی طرفندن بیورلمشدرکه ( فاما من کان من اهل السعادة فیسیر لعمل السعادة ومن کان من اهل الشقاوة فیسیر لعمل الشقاوة ثم قرأ الآية فاما من اعطا والتقى وصدق بالحسنى و سنیسه للیسری واما من بخل واستغنى وکذب بالحسنى و سنیسه للعسری ) اما بوصورت ایچون برامر اعتبار مقید وارکه اوده عاقبه عائددر زیرا چوق اولورکه اوائلنده ميسر و اوآخرنده معسر اولور وانک ایچوندرکه بواعتبار ( انما الاعمال بالخواتم ) ایله مقیددر فقط شوراسنی دخی عرض ایدیمکه بو جمعیت بشریه ایچنده ینه چوق کسنه لر وارکه دنیایه قد منهادة شهود اولدینی کوندن بدأ ایله خاتمة نفسه قدر سعیداً یشار و شوراسنی افاده ایلیهیمکه بعض اهل تحقیق افراد بشریه یی اقسام متعدده یه تقسیم ایدرک قسمک بریسی سعید یازلدى سعید طوغدى سعید یشادى سعید اولدى قسمک دیکرى سعید یازلدى سعید طوغدى شقى یشادى شقى اولدى قسمک او برى سعید

یازلدى شقى بیودى وطوغدى سعید اولدى قسمک دها او بریسی شقى یازلدى شقى طوغدى شقى بیودى شقى اولدى دیشلردر لکن بوراده یوقروده کی لوح بحتى مجمللاً او قویوب کچوبده ذاتاً تفصیلنه تفسیرینه مقتدر اوله میان قارئ بولنورده سؤال معترض ایله مادامکه سعید اصلندن سعید و شقى اصلندن شقى ایش بومرحله عالمده جریان ایدن ایام ایچنده ناس ایچون وسائط اهتدائیه البته مفقوددر دیه سویلینلر اولور ایسه خیر اوراسیده او یله دکل شویله درکه حضرت رسول اکرم ونبی محترم علیه الصلوة والسلام اقدمز حدیث شریفنده ( مامن مولود الاوقدیولد علی فطرة الاسلام ثم ابواه یهودانه و یحجسانه و یمنصرانه ) یعنی مولوددن هیچ بریسی طوغدى الا فطرة اسلامیه اوزره طوغدى صکره بابالری انلری یهودى و مجوسى و نصارا قلدیلر بیورمشدر و نظر صحیح و قلب سلیم ار بانه خفی اولدینی اوزره معلوم انامدرکه جناب خالق متعال تزهت ذاته عن الظلم والنکال حضرت تلی اگرچه جنت وجهنمی خلق و ابداع ایش ایسه ده مخلوقاتى ضلالت کفر ایچنده بولندیر مامق اوزره صورت و خلقتی فطرة اسلامیه اوزرینه مختص قلمش و یوقروده دخی سویلدی کمز کی ذات الوهیتى بیلمک و طانیق ایچون ابنای بشره هیچ زورلق کوستر مامشدر اما نه چاره که افراد خلائقندن بعضیلری بابامزدن بویله کوردک ملتزم بزى طعن و تشنیع ایدرلر دیهرک بهانه غیر مشروعیه ایله حق بیلمامک و طانیماق ایسترلر ایسه بوده خلقت ایجابندن دیرز البته دیه میز زیرا بابالر یوکسک یره چتسه لرده اولادلرینی اورایه

چاغر هرق ايشته او غلم بن بورادن کنديني زیر زمينه اته جنم سن  
دخی بکا تبیت ایله دوشه جکم یره آتل بن نصل اولور یعنی  
تسلیم روح ایدر ایسم سندخی ایله دیسه بویله بر بابایه اطاعت  
جائز می شبه اولتمز که جائز دکل وسورة بقره ده مسطور (ان الذين  
كفروا سواء عليهم انذرتهم ام لم تنذرهم لا يؤمنون ختم الله على  
قلوبهم وعلى سمعهم وعلى ابصارهم غشاوة) آيات کریمه سی موجینجه  
جناب حقک علم اذلیسی بو ارباب شقاوتک شقاوت مستمره احبابی  
اوله جقلری و انلرک استماع حقیقتدن قولاقلری و اطمئنانده  
قلبری مختوم اولدیغنی و کوزلری دخی غشاوه ایله پرده لی بولندیقی  
علی وجه التحقیق رسول اکرم نه خبر و یردیکی دخی بوراده  
بر مثال مطلق و محققدر دیرز و نته کم شیطانک دخی امر الهی یه  
مغایرت و کبر و عناده متابعتله ادم علیه السلامه سجده دن ابا  
ایده جکنی بلدیکی حالده ینه شیطانه سجده امرینی و یردیکی کبی  
بواهل شقاوتی دخی فطرة اسلامیه اوزره خلق ایتشدیر فقط  
اول یچاره لر دنیا یه کلنجه بوصورتدن مدرک اولیه رقی آبقاً بیان  
ایتدی کمز کبی (نحن وجدنا ابائنا) ایله متکلم اولوب یوم ندامته  
قدر اولیه کیدر لر وینه بر قسم آدم لر الله و یوم اخرته ایمان ایلدک  
دیهرک استعین بالله کویا الله خدیعه ایدر لر حالبوکه انلر دخی  
مؤمن دکلر در و خداع مؤتلفه لری الله دکل کندی نفسلرینه  
عائد و راجعدر و قیلر نده مرض شیطانیه واردر که انلر دخی  
بو حالده دوام ایتدکجه جناب حق مرضلرینی تزید و غراب  
ایمنه مظهر قیلر ایشه آنلر مکذبدر و حتی اعمال فسادیه ایله

ساعی اولور لر ده ینه ندر بوفساد دیه سؤال ایدنلره بز ارباب  
صلاحدن دیهرک اوتانندن سوز سویلر لر بونلرک احوالنی دخی  
سورة مذکورده مقید اولان (ومن الناس من يقول آمنا بالله  
وباليوم الآخر وما هم بمؤمنين يخادعون الله والذين آمنوا وما يخدعون  
الا انفسهم وما يشعرون في قلوبهم مرض فزادهم الله مرضاً ولهم  
عذاب الیم بما كانوا یكذبون انما نحن مصلحون الا انهم هم المفسدون  
ولا کن لا یشعرون) آيات کریمه سی تماماً تبیین و توضیح ایدر و بناءً  
علیه ایشه انلره دخی بوا حکام اعتباریله باقمق و اوزمریه داخل  
اولقندن و بالوجود انلرک افعالی سو و بنده عباداتی خلق بنی کورسون  
و مصلی ظن ایلسون دیه ریب وریا ایله ایفا ایتمکن و هله  
وحدانیت الهیه یی اقرارده قبلده اثر انکار و یاخود عجیا کبی ظنون  
طاشیمقندن قطعیا اجتناب لازمدر شمدی شو تفصیلدن براز  
فارغ اوله رقی دیرمکه بمنه الکریم بز یعنی مسلمانلر اوشقی اوله رقی  
لوح محفوظده مقید اولنلردن دکلر الحمد لله والشکر علی هدایه  
الرحمن و علی توفیق الایمان سعیدلر و باقیکر قرآن کریمده اسملری  
مذکور اولان انبای عظام علیهم السلام حضراتی سورة بقره دنک  
اواخرنده مندرج اولان (امن الرسول بما اتزل الیه من ربه  
والمؤمنون کل آمن بالله و ملائکته و کتبه و رساله لانفرق بین  
احد من رساله) حکم عالینجه بلا تفریق و لاتغیر ساغدن خلفه  
تصدیق ایده یورز.

ایشکده می یوق بو دنیا ده ایبار کبی بر طاقم اموال خیشه مالکیت  
اعتباریله کردان قره قره سفاهتله حکم سورده مدیکمزه تأسف



ایتمه ریک فی آخر الامر سعادت ایله صالنه صالنه مغبوطی اوله اوله  
 اللهک جنته جمالنه مظهر اولور زیایا امان ایما نزه کمالیه رعایت  
 ایدرک وطریق حقندن اوزکیمی ارزو ایلمیه ریک شویله یوزلریمیزی  
 طهارت صوبی ایله یارلادوب دیلریمیزی دخی ازکار واوراد  
 سبحانیه ایله مظهر عزوبت ایلیهلم ایشته براغوردن نماز قلهلم  
 اورج طوتهلم نفسله مجاهده ایده ایده حقه دهها زیاده یقینلشهرک  
 ترفیع مراتب ایلیهلم الله ایچون دوشونکیز سزده بولورسکیز قرآن  
 کریم کبی برکتابت وارمی و دین محمدی کبی بر دین دهها بولورمی  
 الحمد لله الحمد لله اودین نصل موضع وایغاری اسکاته نقدر  
 بر اهین قاطعه و مقنعه بی جامع ایشته سائر ادیان اصحابی دخی  
 ایستلر ایسه محاکمه ایلسونلرده درجه حقیقی بولسونلر نه بز  
 دینمیز قدر و قیمتی بیلورز ونصیحت دخی محتاج دکیز فقط  
 کندیمی طوته مدمده سویله یورم چونکه کتب دینه اوقبولندجه  
 انسانه بر بشقه لذت و یره یور انسانی و حقیقی مسرتیه مستغرق  
 ایده یور بنده اولدت و اومسرتی قلم طوتان پرمقلمده طاتسون  
 دیه بوقدر جق اولسون یازی و یردم ان شالله ارمیه سوز  
 قارشدر دینمندن طولانی خطا ایتمدم دوروشهلم ینه بحثه مفصلات  
 مبسوطه دن صکره بوراسیده بویله درکه معاز ابن جبل حضرت تلی  
 بر کون بر کمنه نک حضور حضرت رسول اکرم و بی محترمه  
 کلوب یا رسول الله دوه مک زانو سنی باغله یوب حفظنده احتیاط  
 قله یمینی یوخسه مطلق العنان قویوروب خدای متعال حضرت تلی نه  
 توکل ایلیه یمینی دیه سویلمسی اوزرینه مشارالیه حضرت تلی نک دخی

( اعقل بعیرک ثم توکل علی الله ) یعنی دوه مک باغله اندن صکره  
 جناب حافظ اولان الله عظیم الشانه توکل ایله یعنی جهد واهتمام ایله  
 توکلی جمع ایله و مجرد توکل قلوب جهدی و جهد واهتمام ایدوب  
 توکلی ترک ایلمه بیوردقلرینی روایت بیورمشر واحد و ابو داود  
 ابو هریرهدن و ابن ماجه ابن عمر دن شو حدیث شریفی روایت  
 ایدرلرده دیرلرکه ( قال علیه السلام دع الحذر فان الحذر لا یغنی  
 عن القدر ) المقدر کائن و جف القلم بما هو کائن ( دیشلر ) وانا  
 کل شیء خلقناه بقدر ) ( وکل شیء فعلوه فی الزبر ) شو آیات قرآنیه  
 و مفردات احادیث و بونلره بکیزر دهها چوق آیات و بینات و روایات  
 و مقیدات اعتبارلرنجه مقدرات سبحانیه نافذ و عبدک افعالی دخی  
 اسباب ظاهره در و توکل و تقیددن هر بری ایری ایری اراده  
 سبحانیه در انک ایچون مقدرات سبحانیه نه ایسه انی کورمکک و بولمقلق  
 مقرر در بناء علیه بنم فعلم لوازم امور دن دکل دینلر و مقدراتی  
 انکار ایدوبده هم توکلی ترک ایلسانلر مبدع کائنات اولان رب  
 العزتک حکمه معارضه و انکله مقابله ایدرک زخم قهره مستحق  
 اولورلر و بویله اولنجه دیتک اولورکه عبدک بو دنیاده ایشلیه جکی  
 ایشلر قطع ایده جکی مراتب هب مقدر هب لوح محفوظده  
 مقیددر و الله عظیم الشانده اراده کلیه و عبده اراده جزوییه وار  
 و حادثات ( ذلك تقدير العزيز العليم ) ده داخل و افعال ظاهره  
 عبد و ساطعیله حادثدر و دیگر جهته دونه ایستای ادم ( کنت  
 کتراً مخفياً فاحییت ان اعرف فخلقت الخلق ) حدیث قدسی الهی  
 موجینجه الله عظیم الشان کندولری طرفندن بیلنمک مراد

ایدیلهرک مخلوقاتى خلق ایتمشدرکه شوحدیث قدسی ( یا ابن ادم  
 خلقتک لاجلی و خلقت الاشیاء لاجلک ) موجبنجه بشر لاجل الله  
 واشیاء لاجل الانسان مخلوقدر و بناءً علیه ( الست بریکم ) خطاب  
 قدر تمائی شرفصدور و سنوح بیورلدینی وقت مراتب بشریه دخی  
 تعین و توضیح بیورلدینی عباس ابن عطانک ( ادنی مراتب  
 المرسلین اعلی مراتب النیین و ادنی مراتب النیین اعلی مراتب  
 الصدیقین و ادنی مراتب الصدیقین اعلی مراتب المؤمنین و قس  
 علی هذا سائر الانسان ) یعنی مراتب مرسلینک ادناسی مراتب  
 نبینک اعلاسی و مراتب نبینک ادناسی مراتب صدیقتک اعلاسی  
 و مراتب صدیقتک ادناسی مراتب مؤمینک اعلاسی قولنجه  
 مؤمین ایله کافرین و موافقین ایله منافقین و صادقین ایله کاذبین  
 بینلرنده دخی مرتبه جه فرق عظیم وارد و مایستوی الاعمی  
 والبصیر و لا الظلمات و لا النور و لا الظل و لا الحرور و مایستوی  
 الاحیاء و لا الاموات و مایستوی البحران هذا عزب فراه و هذا  
 مسلح اجاج و هل یستوی الذین یعلمون و الذین لا یعلمون و امن  
 یمشی علی وجه اهدی ام من یمشی سویاً علی صراط مستقیم و ام  
 نجعل الذین امنوا و عمل الصالحات کالمفسدین فی الارض ام نجعل  
 المتقین کالفجار ایات صادق الینات سبحانیة اقتضاسنجه کورلر  
 یعنی سامعه ظاهریه سی قبالی اولو بده شونی بونی و سامعه  
 باطنیه سی قبالی اولو بده موعظه دینیة استماع شانندن اولیانلر  
 ایله اولنلر وینه بوصورتله کوزسز اولنلر ایله اولیانلر و اهل ذکر  
 اولیانلر ایله اهل ذکر اولنلر وینه بنوعین اوزرینه مبنی اوله رق

نور ایله ظلمات و ظل ایله حرور و دریلر ایله اولورلر و بویکی فرق  
 اوزرینه اولق اوزره بحر عزب ایله بحر اجاج و دیگر قسم اولق  
 اعتبار یله عالم ایله جاهل وینه دیگر قسم اولق اوزره مهتدی ایله  
 مضل و صالح ایله فاسد میاننده درجات مستوی اولیوب بونلرک  
 مستحسنلری مرتبه علیایه مظهر و فاحشلری دخی درجه ادانیده  
 مستقرلردر و ایشته انسان اولیوم محمودده کیت استعدادلرینه  
 کوره مرتبه بولملردر و بوقسمت بلا استحقاق دکدر و بوداردنیا  
 دارالامتحان دخی اعتبار اوله بیلورکه بوراده وقوعات ظاهریه  
 واشیای مبدعه برقاتدها بالین و المنظر مشاهده اوله و کتب  
 منزل و اهل ذکر یعنی اهل توحید کوریه کوریه ادراک حقیقت  
 وارد اکن صکره اهتدا و بعدالاهتدا ثواب اخرتی استدا  
 و بعدالاستدا مظهریت مستحیل دکدر.

بوراسنی ایوجه بیلملی که جناب خالق متعال ( تبارک الذی بیده  
 الملك و هو علی کل شیء قدير ) حضرتلری بوعالم اجسادی مرحله  
 بهایم اعتباریه دکل مزرعه اخرت اولق اوزره خالق و ایجاد  
 بیوردی و یوقروده ببار اتهایم بیان ایدیلان حدیث شریفک  
 بیلدیردیکی اوزره مولوددن هیچ بریننی کفرله دکل اسلام ایله  
 مفطور قلدی.

انسانک کوزی کوردکل آبابانک انسانک اهل ضلالت ایسه مذهب  
 مضلنه زاهب اوله جفته یعنی آچق سویلیهم باقدیکی باباسی اناسی  
 کافر انلر طریقته زاهب اوله جفته رشدی تین ایدنجه طوغری  
 یولی بولسون اکا کیتسون زیرا ( قدین الرشید من النبی فمن یفکر



بالباطوت) یعنی تحقیقا رشدتین و متمیز اولدی ضلالت و غواتیدن و ایمان کفر دن و حق باطلدن دلائل واضحه و براهین قاطعه ایله تفریق و استفهام اولندی اندن صکره هر کسه کافراوله طاغوته یعنی شیطان و یا ضامه و یا خود نفسه تابع اوله اول کسه وصلت حقیقندن محروم اولور لفظ طاغوت مصدر در ملکوت کبی جمعه و بره اطلاق اولتور ( و یؤمن بالله ) و شول کسه که موحد و مؤمن اولدی ( فقد استمسک ) امدی تحقیقا اول کسه تثبت و استمساک ابتد ( بالعروة الوثقی ) جبل وثیقه و سبب میتة ( لا انفصام لها ) اوله عروة و تقا که اکا انفصام یوقدر ( والله سمیع علیم ) الله تالی حضرتلری هر کسک اقوالی سمیع و هر کسک احوالی علیمدر.

اوینه واقف اوله رق هیچ اولمز ایسه ایسته یاری یول اولان بودنیاده اولسون لج و عنادی براغوبده توحید ذاته مطمئن اولسون و حکم قرآنی قانون مستطاع بالیه رک حضرت محمدک حق پیغمبر اولدیغنی قرآنک اراده و تبلیغاتی شهادت قلبیه ایله طانیسون بافکر سورة اعرافده حضرت حق ( ولقد زرانا ) تحقیقا بزخلق ایلدک ( لجهنم ) جهنم ایچون ( کثیراً من الجن والانس ) جن و انسدن چوق کسه لری حکم ازلی بونلرک شقاوتنده مقدر اولمشدر ( لهم قلوب لا یفقهونه بها ) بونلرک قلبلری واردر لکن توحید و معرفتی ادراک ایتمز ( ولهم اعین لا یبصرون بها ) و بونلرک کوزلری واردر لکن اتار صنع حق و قدرت و قوت وجود مطلق انکله کور منلر ( اولئک ) بوکروه ( کالانعام ) بهایم و دواب

کیدرلر ( بل هم اضل ) بلکه بوکروه ضلالت انجام بهایم و انعامدن اصلدر ( اولئک هم الغافلون ) بوجماعت بر ضلالت غافلردر بیوریورکه بوندن تنبه اقتضایدر و برشی دهاوارکه الله رحیمدر اگر چه بنم عبادت و طاعتم یوق ایسه ده سیأتی حسنات ایلر و خطالری می مغفرتله یار لغار دیوبده کچه نک درت او جنی صویه براغوب شهاوات شیطانیه انهماک ایله ( وما یعدهم الشیطان الا غرورا ) زمره منه داخل اولمالی واقعه الله عظیم الشان مغفرت تا کرسی بر اولور سلطاندر ید قدرتیله قولک ذنبی معفو و مستور قلاز فقط اوله دوپه دوز کدشله دکل زیرا عدالت اجر ایله عبدک مظهر مجازات اولسی و برجه خردل قدر سیأتدن دخی مسئول اولسی نصوص قرآنیله ثابتدر و ذکر اولسان آیت حکمنجه اوکی اشخاص شیطان و نفس پر عریان اغفالایله بلا عمل تسویف و تسویل اولتور و ایسته شیطان انسانی اللهمک رحمته مغفور ایلر و آنک ایچوندرکه یوقروده تعداد ایدیلان مراتبی یعنی نامرتبه صدیقی احراز ایچون انسان اولا مؤمن اولوب صکره زاهد صکره صدیق اولمق لازمدر و تکالیف شرعی بهایم ایچون دکل ایسته مؤمنین و مؤمنات ایچوندر و معلومدرکه بهایم تکالیف شرعیدن وارسته درلر و اهل کفر و ضلالت دخی احکام شرعییه مطیع اولمز زیرا اولاً وحدانیت الهیهی قبول ایتمامشدر درکه مرتبه ثانیه ده شریعت غرایبی و آنک ایجاباتندن اولان اعمال حسنیه قبول ایلسونلر بیلور سکر آ الله عظیم الشانی قطعاً انکار ایدنلره کافر و الله ایکدر دینلره مشرک و الله عظیم الشانه خلاف

الوہیت احوال وحفت اسنادا یدنلرہ اہل فساد یرلر ( ان اللہ بری من المشرکین ورسولہ ) حکمنجہ جناب خالق متعال ورسول اکرمی مشرکلردن بریدر ( الا انہم ہم المفسدون ولكن لا یثعرون ) مقتضاسنجہ اہل فساد ارباب شعور و ہدایتدن دکلردرو ( ملعنة الله على الکافرین ) ایجابجہ اہل کفر وضلالت دخی شیطان کبی مستحق لعنت اولمشردر وبونلرک مجموعی ( اولئک الذین النشروا الضلالة بالهدی فاربحت تجارتہم وما کانو مہتدین ) ایت کریمہ سی موجبنجہ اہتدا ایتیمی وضلالتلری سبیلہ نفع ہدایت کورمیجیلردر .

فقط اللہ عظیم الشان بونلری تایوم ندامتہ قدر یتہ رسل کرام وانیای عظامی وساطتلیلہ تبلیغات وتادیباتدن و اہل ایمان شہادتلیلہ ابراز سبل رشاددن خالی براقز و کندولرہ یاربی سن بزہ طریق ہدایتی کوسترمدکی مہتدی اولہ ایدک دیملرینہ بروسیلہ مقبولہ یاری قلمز و علی الاطلاق ابنسای بشرہ قرآن کریمندہ ( یا ایہا الناس اعبدو ربکم الذی خلقکم والذین من قبلکم لعلکم تتقون ) ایت کریمہ سیلہ ای انسانلر سزی وحصول اتفاقکز ایچون اقدام سالفہی خلق ایدن وربوبیت شانندن اولان بن اللہ عظیم الشانہ عبادت ایدیکز دیہ امر ویرمشدر و ( الذی جعل لکم الارض فراشا والسماء بناءً وانزل من السماء ماءً فاخرج به من الثمرات رزقاً لکم فلا تجعلوا لله اندادا واتم تعلمون وان کتم فی ریب مما نزلنا علی عبدنا فاتوا بسورة من مثله وادعوا شہداءکم من دون الله ان کتم صادقین او الوہیت شانندن اولان

وسزہ عبادت امرینی ویرن خالق لیس سواہ سزک ایچون ارضی مفروش وسایب منی قلدی وسمایہ قوۃ نازلہ وارضہ قوۃ نابتہ احسان ایتدی .

ایستہ کوریور وبلیورسکز کہ نفقۃ یومیہ وارزاق مقدرہ کز سہادن نازل اولان صویک ویرددموجود اولان قوۃ نابتہ نک امتزاجیلہ حاصل اولہ یور بونلر دخی اللہ انداد ایتامکز ایچوندر اگر بوصورتہ عائد اولمق اوزرہ کوکلکز دہ ریب وکان وارایسہ یعنی بوقوای معدودہ نک خالق اللہ اولدینشہ شبہ ایدرایسہ کز بوندن بر مثل دخی سز خلق ایدیکز و وحدانیۃ مقر ومعترف اوللری دون اللہ دعوت ایدیکز اگر صادق اولور ایسہ کز بیوردی کہ اجرام سماویہ وطبقات وافشارا رضیہ بشقہ خالق ارامق ویاخود بونلر طبعیدر ابدیدر وازلیدر دیمک قابل اولمز اما طبعیون وارایسہ وارسون اولسون شوالدہ وموجودک بر خالقہ احتیاجی میداندہ ایکن بن انلرک شویلہ سنی بویلہ سنی دیکلرمی یم یالبتہ دیکلہ مم چونکہ الحمد للہ بزکہ مسلما ز حقیقتدہ مؤمنز ومادامکہ اللہ ییلورز قید قرآنیہ خلافتدہ سوز دیکلہ میز ومادامکہ قید قرآنیہ خلافتدہ سوز دیکلہ میز ارتق طبعیون بزہ قارشو نہ دیمک اولور ومادام انلر بزجہ یعنی انلرک قوللری بزجہ نظر اعتباردہ دکلدر سوزلرینی دیکلہ میز وانلرہ سز کندی علمکزلہ عامل اولوکز لکن یکیت ایسہ کز سوز یکزی اثبات ایچون یوقرودہ کی قرآن کریم حکمنہ توفیقاً بر برہان کوستریکز دیرزہ .

اقدام بزہ دنیانک بعض طرفلرینی کوردک وکورمدیکمز یرلرک



ادمیرنی کوردرک کورمش کی اولدق سمایی یر یوزنده بولسان  
وقوة عقلیه سی طوتالکه بزم کی دکده دها یوکسک فقط بزم کی  
یر ایچر بر آدم نه درلو اولورایسه اولسون سمانک ایچروسی  
طیشاروسی کشف ایدمیلورمی اولسه اولسه سمانک اوزریمزده کی  
طبقه سنی الات وادوات دلالتیه کوزدن دها زیاده کورمیلسون  
اوقدر سو یلمک طورر ایکن ایشک ایلروسنه وهمده بدایع  
فروشلفه قالقشمالی یا بکا قالورایسه بوکی علومه بوکی اقدامه  
جان حقیقه اینانام و اودلالت ایله طوغری یولدن صایام چونکه  
بونلر ایله اعتقادی بوزمق خسران اخرتی استلزام ایلر وانسان  
اوملکدن چقاراشب مخلوقدر مخلوقده کی قوت خلقیه متناسب  
اولور تأثیرات غیر مراد بها اندن انتظار اولنه مزه.

زیرا معلومدرکه انسانی جناب حق خلق وابداع ییورنجه ذات  
الوہیتی بیلیمک وتکوین اشیاده کی صنعت ربانیه سنی عالم اولمق  
ایچسون ای قولارم سزی بن یوقدن وار ایتدم ارتق ذمام  
اختیاریکز قطعاً الیکزده در بیورک دنیایی طولاشکز هر بریکز  
کندی استطلاعات فکریه کزه تابعیت اعتباریله برادرلو صورت  
بیان ایدیکز دیه امر ایتمدی.

الحق انسان بحق عالم اولمق ایچون کتابلر کوندردی و او کتابلرک  
مندرجاتی تبلیغ ضمتنده پیغمبرلر ارسال ایتدی ودها قولای  
وصول مقصدیله رسل کرامنی تبلیغاتہ مأمور ایتدی کی قومک  
لسانی اوزره ناطق قلدی و بناء علی ذلک کتب منزله ده بن شان  
ربوبیتی حائر اولان الله صانع بی امتانه نطق طبیعت ذاتیه سندن

بولتان وبشر اطلاق اولسان اشخاص بدائی طیندن وبالاخره  
من وترابدن ایجاد وخلق ایتدم و حیوانات سائرمنک بعضلرینی  
ریاضدن و بعضلرینی صودن و بعضلرینی بمنه الکریم بوجله نک  
فقرات آتیه سنده عرض وارانہ ایدم جکمز وجهله سائر شیدن  
ایجاد و اختراع ایتدم بیوردی اویله اولنجه انسانی ترتب ایدن  
وظیفه حکمنجه انسان کندوسنی الله خلق ایتدیکنی مقر اولدینی  
حالده ارضک سمانک کیفیت وکیمته عائد علم صریح و صمیمی دخی  
قرآن عظیم الشاندرن ارملی بولملی اوقوملی اینانملی شونک بونک  
سوزینه اینانملی چونکه کتب منزله خلافتده لاقردی بی اعتیاد  
ایله کندولرینه مزیت و یرمک داعیه سنده بولنه جق اشخاص  
عاقبت امرده سویلدکلری لقردیدن محجوب اولوب یوم ندامتده  
الله جلیل الشانه ای بزم پروردکارمز تحقیقا سن جمیع اشیایه  
قادر سک مغفرت اوزار واتمام انوار قبضه اقتدار کده در و هر فعلی  
عالمک بزندیاده بولندیغمز زمان برطاقم موارد الفاظ ایله اوامر  
الهییه خلافتده بولندق وتسویلات نفسانیه مزی دائرة اعتبارده  
کوردرک واکا تابع اوله رق مصنوعات سبحانیه کی حکمه اراده  
باهره ربانیه ک مغایرنده تلقی ایتدک بزه مغفرت ایدوب خطالریمزی  
عفو ایله دیه جکلر ولکن انبیاء عظام ورسول کرام حضراتی  
(یوم لایحزی الله النبی) یوم قیامتده الله تعالی حضرتلری پیغمبرنی  
خجل ورسوای قیلمز (والذین آمنوا معه) معطوفدر نی اوزره  
دخی انلریده خجل ایتمز که ایمان کوردیلر (نور هم یسعی بین  
ایدیهم و بایمانهم) یعنی بومؤمنلرک نوری اوکلرنده وصاغ یانلرنده

صراط اوزره سعی ایلہ آیات کریمہ سیلہ ممدو حدر و ایمان ایدنلر  
دخی بوصورتله مبشر در اولہ اولنجه ظهور معاده ندامت  
ایده جک برطام اشخاصک سوزینه اینامقدن البه انیای عظامه  
مؤمن اولنی دهسا اقوی واولی اولغین عاجز یکنر دخی راست  
و درست اولق ونور هدایتله حقہ مستقیم و سالم کیده بیلیمک  
اوزره استعداد جلیسنی موعظه خطابه لایق کورن اخوانه ( انا زینا  
السماء الدنيا بزینة الکواکب ) و ( ایلهم اللیل نسلح منه النهار  
فاذا هم مظلومون ) و ( والشمس تجری لمستقر لها ذلك تقدير  
العزيز العليم والقمر قدرناه منازل حتی عادک العرجون القديم  
لا الشمس یبغی لها ان تدرك القمر واللیل سابق النهار وکل فی فلك  
یسبحون ) و ( یوج اللیل فی النهار و یوج النهار فی اللیل و سخر  
الشمس والقمر کل یجری لاجل مسمى ) و ( ان الله یعلم  
ما یدعون من دونه من شیء ) وهو العزيز الحکیم وتلك الامثال نضربها  
للناس وما یعقلها الا العالمون خلق الله السموات والارض بالحق  
ان فی ذلك لایة للمؤمنین ) و ( خلق السموات والارض وما بینها  
فی ستة ایام ثم استوی علی العرش ) و ( لقد خلقنا فوقکم سبع  
طرائق وما کنا عن الخلق غافلین ) ایتای بوراده کوستر مدرک ودها  
بونلردن بشقه نیجه آیات کریمه لر دلالت ایتدیکنی عرض و افاده  
ایلیه رک دیرمه سما و ارضی بیلیمک ایستیانلر سماتک برووجود  
اولمدیقنی سوزیلیموب فکرینی اقوال صحیحی قائل اوله رق جناب  
حق هرشیئه بر ظاهر بر باطن خلق ایتدیکی کبی ینه هرشیئی  
زوجین اتین اوله رق ایجاد و اختراع بیوردی وسمای مبنیات

بیمینه وجود محض ایجاد ایلدی یعنی سما وار و محض وجود در  
ویدی طبقه منقسمدر وزینت کواکب ایلهمزیندر وکیجه  
برایتدز و نهاز اندن منسلخ ولیل مظلوم نهار منوردر وشمس  
ایچون کندی دایره سنده استقرار صورتیه جریان ایتک واردر  
واوده تقدیر العزیز العلیمدر وقر منازلہ مقدر بیورلشدر وقر  
آری شمس آری و نجوم آری و بونلرک مجموعی مخلوقات  
و مصنوعات سبحانیه دندر و هر برینه وظیفه تقدیر اولمشدر  
و جله سنی بالاتفاق مؤمنلر ایچون آیت و برهان قدرت و عظمتدر  
کوک بزم اوزریمزده یر التمزده در و جناب صانع بی امتنان بونلرک  
جله سنی الی بونده یوقدن وار ایتدی و الله عظیم بونلری بو  
صورتله خلق و ایجاد ایلہ قدرت بالغه سبحانیه سنی اراده ایتدیکی  
حاله ینه انساندن جله سنی دکل الا عالملر تعقل ایدم یوز و عالملرک  
غیر بری هر بری بر صورت توجیه ایلہ شاشنوب اورته ده قالیورلر  
امان اللهم سن بنی قرآن کریمک مندرجاتی عالم و ایجاباتیه عامل ایلہ  
ایشته کور یورمکه سن شان الوهیت صاحبی شمس ( لا الشمس  
یبغی لها ان تدرك القمر ) و لیلی ( ولا اللیل سابق النهار ) الفاظیه  
قام قلوب بونلرک هر ایکسینی دخی ( وکل فی فلك یسبحون )  
جله سیلہ تعریف و توضیف بیوردک و کمال قدرت و جلالتکله ( ان  
الله یعلم ما تدعون من دونه من شیء ) وهو العزيز الحکیم ( یعنی  
عزیز و حکیم اولان بن الله عظیم تحقیقا اخلافه ادعا اولناتی  
بیلورم و علم مطلق ذاتمدن آری و غیری دکلدر بیوردککه ایشته



بن سنك دونكده اولان اشیا دن هر نه ایستیه جك اولسه خاطی یم  
 آنك ایچون مینات قرآنیه كه هر حال و قالده تابع و مؤمن افراد  
 مخلوقاتك خلاف قرآن سويلدكلى سوزلره قائل دكلم دینه لی  
 وعقایدیه دأثر اولان و مصنوعات سبحانییه و قوف لازمکلان هر  
 مسائلده كتب مدونه شرعییه مراجعت لزوم صریح و صحیحی  
 یلملی و شریعت غبرای احمدیه به مغایر اوله رق پیوز سويله بیان  
 آدمیره اقدم سز اوله ككشیات بیانه صو اشمز دن مقدم  
 وجودیكزك متمماتندن روح ندر و عقل نه کیفیت سويله یكزده  
 بو سوز موافق حقیقت اوله یلیدیكنی دریقی كقیاتی اوللره  
 تصدیق ایستیر یكزده اندن سمانك عدمه عائد مقالات كشیه كز  
 موجب استماع اولسون دیمه لی و فقط بو محكیات اوزرینه علم  
 طبقات الارض و اكا مثال اولان فنونی اوقبو ماملی دیورم ظن  
 ایتما میلی انجق انلری اوقویوب بلمیلده اعتقادات قلیه ایله قائل  
 اولماملی چونكه مصدر قال و قیل قلب دكل لساندر و قلب روابط  
 محمودیه ایله مینات قرآنییه تابع و مربوط اولور ایسه حضرت نبی  
 علیه السلامك ابو هر یرهدن استماع صورتیه ابو سعید منصور  
 و ابن ماجه دن مروی اولان (ان الله لا ينظر الى صوركم ولا الى  
 اعمالكم بل ينظر الى قلوبكم و نیاتكم) حدیث شریفلری  
 حكمنجه انسان دائرة سلامتده قالور.

معلومدر كه حضرت مشار الیهك (ان فی جسد ابن ادم لمضغه)  
 حدیث شریفلری مقتضاستجه ابن آدمك جمیعستك جسدی ایجره  
 صنوبری الشكل لحم پاره سندن بر قلب واردور.

بو قلب صفای نورانی ایله مصفا اولمش ایسه اول قلب ابی یزید بسطامی  
 حضرت تلیزینك (ان العرش وما حواه اذا وضع فی ذوا یا قلب  
 العارف لا یحس به) قولى موجبنجه معهود دل عرشك اوستنده  
 اولمق صور اعتبار یسنى حائر اولوب عرش و ما فیها بر كوشه منه  
 قولسه غائب اولور مریتنی جائز بولنور اما هر كوز دیكنی  
 و ایستدیكنی اعتقاده لایق و عماله مشحق اعتبار ایدر ایسه آنك  
 قلبی بشقه مزیات مسعوده بی دكل ایسته انجق لحم پاره سی اعتبارینی  
 حامل اولوب مرتبه ادناه قالور و بوتلر ایچون علیه الصلاة والسلام  
 اقدمن حضرت تلیزینك (من غلب عقله شهوته فهو اعلی من الملائكة  
 و من غلب شهوته عقله فهو ادنی من البهائم) حدیث شریفلری  
 اوقنور خلاصه قلب اللهك امرندن خارج و نهینده داخل اولان  
 شیره صاریلور و نفس اماره ایله اشتراك ایدرك بولندینی دائرة  
 وجودی افساد ایدر ایسه اكا قارشو بیان تأسف اوله رق  
 (ما وسعنی ارضی و لاسمائی و لكن وسعنی قلب المؤمن التقی و راع  
 الوراع) عباراتی شامل بولسان حدیث قدسی موجبنجه ایسته  
 باقیكز خلاق متعال رزاق لا یزال صانع بی مثال الله عظیم بن  
 ذات الوهیت و ربوبیتی بر و كوك صفندی لكن تقی و تقی و راع  
 اولان مؤمنك قلبی صفندی بیوره یوركه ای قرائض الهیهنی حقیقه  
 و تمامیه ایفا ایتیوب و جناب محی موجوداتی ایمان حقیقه یلمیوبده  
 كائنات ایچنده انعامدن و بهائم سلازده دن فرقی اولیان فكر سقیم  
 و قلب غیر مستقیم ایجابی سزه بوحدیث سفیدن حصه یوقدره  
 بوحدیث سنیهده مندرج بشارت صحیحیه بر آن و دقیقه ذكرندن

الله چقیب دایماً بین الخوف والرجا ایمان حقیقه ایمان دائره سنده  
بولوب فرائض الهی ایضا وحلال وطیه سالک و محرماتدن  
محجب اولان ذوات پاک ایچوندرکه اگر سزده بوووکا بکزرودها  
بوندن عالی مزیتلره مظهریت آرزوایدرا یسه کز بو نقطه مهمه دن  
ایرلیه رق دائره تقواده بولنکزدیه کندولره وعظ ونصیحت  
ایراد ایدیلور معلوم ارباب فضائلدوکه .

﴿ بیت ﴾

دل بدست اورکه حج اکبرست  
از هزاران کعبه یکدل به ترست

کعبه یناد خلیل از ترست  
دل نظرگاه جلیل اکبرست

پیشده شاعر مسعدت مظاهر حضر تری بیوردر کواکی اله الک  
حج اکبر ایش صایلو رسک زیرا ایو کوکل یک کعبه دن ایودرا کرچه  
کعبه خلیل ابن از رک منشآتندن ایسه دل جلالت و کبریا شانندن  
اولان الله تعال حضر تری نک نظر کاهیدره .  
چونکه باقیکنز و خبوده توجه ایده چک هر درلو سعادت و کمال  
و کرامت کوکلک درجه صفویه حاصل اولور بناء علیه سوزی  
اوزاتیور ایسه مده قصوره باقیکنز ایسته کوکل درجه صفوی

بولش ایسه اولو واعظ و یاخود آمرایسه ( اتأمرون الناس بالبر  
وتتسبون انفسکم ) ایت کریمه سنک موردی اولان بنی اسرائیل کی  
بروا حسانه امرایدوب کندی نفسی اونوتمز وهان .

﴿ بیت ﴾

و غیر تقی یا امرالناس بالتقی  
طیب یداوی علی الناس وهو مریض

مثال بحیثه خضالی و جناب حقك خطاباً لداود و تعریضاً  
للواعظین الغیر المتعظین ( یاداود عظم نفسك فان التعظت فمظ  
الناس والافاستحي من ربك ) امر الهی سنی کوزاوکنه آلوب بونلر  
موجبجه کرسی موعظه و یاخود صدالی مأموریتیه چقمه دن  
مقدم نابه امر و یاخود وعظ ایده چکم شیلردن علل منهیه نک  
ذاتنده موجود اولوب اولدیغنی دوغتمک لزومنی بیله چکی کی  
ارباب استماع واستطاعت دخی واعظك مقارن حقیقت اولان  
اقوالنی درك و ازعان ایله انکه عالم اولمق و آمرک موافق شریعت  
امریتیه اطاعت فرائض ذمت عدادندن معدود اولدیغنی بیلوب  
مطیع بولنمق مقتضی ایدوکنی ادراک ایلر وای دل کامل طالقی  
اولان کسه قلب پارسنی قو و کامل اولان دلی ایسته که اول دل  
بین الروح والجسد واقع بر جوهر نورانیدر و عقل دخی آتی  
مرکز انوار اتخاذ ایدرک اوراده شمس کی ثبات ایله انوار



کامله سنی محوره تماماً مقابل کلان باشک طاسنه اوروب اورادن  
حواس باطنیه ای احاطه وتنویز ایدرک انسانی مدیر ومدرك  
وعاقل وفطین وزکی وفارس وغامل وعالم قیلار وسنده فیض  
ساری سبحانیه مظهریتله فسق وفجور دن محنت اولورسک  
دیرز ایوجه بیلکزه قرآن عظیم الشانک مندرجاتنه ایناتوب  
ومقتضیاتله عامل اوللز والله عظیم الشانه ایمان حقیقه ایمان ایدنلر  
الته مرتبه ولایت مظهریتله سخیف الفکر ومتوفی اوللز واما  
ایمان ایتمیوب عمروک لاقر دینی اعتقاده لایق وعمله صالح بالله یدرک  
قرآن عظیم وکریم العوانک خلافتنه بولنلر بوزمرته داخل  
اولیوب لابد حیاته ایکن متوفی اولمش اولورلر اما (کل نفس  
ذاتة الموت) نص جلیلی سند اعتبار ایدرک سن نه سویله یورسک  
بوراده فرقة مؤمنی حی وزمره خائنی موتا اعتبار ایلدک حالوکه  
انفا بیان اولان ایت چکنجه هر نفس ذاتة موتدن حصه دارد  
دیرایسه ک بنده کز دخی اوت بوایت کریمه موجبنجه هر نفس  
ذاتة موتدن حصه دارد.

فقط ستفارق هذان بموجب حدیث سنید الکونین ورسول  
الثقلین تعیریه بیان ایدریمکه (الانبياء احياء في قبورهم تصلون)  
و (المؤمنون لا يموتون بل ينتقلون من دار الى دار) وقال الله تعالى  
(ولا تقولوا لمن يقتل في سبيل الله اموات بل احياء ولكن لا تشعرون)  
وقال في الشهداء (ولا تحسبن الذين قتلوا في سبيل الله اموات بل احياء  
عند ربهم يرزقون فرحين) مبشرات جلیله لری حکمنجه انبياء

علیهم السلام حضراتی قبرلری ایچنده حیاته درلر واولیاء  
ومؤمنین دخی اولزلر.

بلکه بومقامدن دیگر مقامه انتقال ایدرلر واللهمک یولنده معاً  
ومادة کزک شیطان وکزک اماره نفس وکزکه برالای مؤمنین  
اوزرینه اطاله دست خسار ایله عالم اسلامتی تخریب قیدینه دوشن  
کفار ومشرکین ایله مجاهده ایدرک مقتول اوللر ایچون موتادر  
دینلمز بلکه بوللز اربابه حیاتنددر وربلری عندنده مرزوقون  
وفرچیندرلر ولکن منکر ربوبیت ووحدانین ومنالطین حکم  
صحیح الوهیت اوللر (انهم میتون) ایت کریمه سی حکمنجه  
تحقیقا میلدرده.

اکر حیاته بولندقلری زمان اولسه بیه یعنی دنیاده انلری جان  
تنده وقوابدنده ایکن کورسه کز بیه صاغ ودری دکل حقیقت  
اولوردر و بویان ایدیلاان موت و حیات بو شونخاتنده دکل  
او عالم بقاده اوله جقدر و بلا تفریق ذاتة موت ماده بوراده  
طادله جقدر شمذنی شومصلاته نظر اموث صوری حیات الارواح  
مظهر اولان عرفا واهل ایقان ووجدانک روحارینک جسدن  
مفارقیتدز و موت معنوی اهل شرک وفساد ونفاقک ابدی  
معتب اولوب و (و یالیتها کانت القاضیه) دیو موتی حیاته منت  
یلوب حتی قلمسیدر و بناء علیه موت صوری راحت اولیاء  
وتحفه مؤمنین اولوب سجن دنیادن جنت اعلایه انتقال وارتحال  
ایتمی و موت معنوی اهل شرک وکفر وفساد ونفاقک عذاب  
ابدی ونقیمت سرمدی به اتصال والتحاقیدر وبویله اولنجه بوللر

میون دنیای و موت همان آنلره اختصاص ایستی اویله ایسه  
بوکا و برده بی اسرائیله بیوزیلوب امت محمد حقنده دخی حکمی  
منسوخ اولیان ( فاقولوا انفسکم ذلک خیر لکم عند بارئکم ) امر  
باهر الهیه اتباعاً نفس اماره و ارباب کفر و شرک و فساد و نفاق  
ایله مجاهده ایدوب و صلی الله علیه و سلم اقدمزک ( من عمل بما  
علم و ورثه الله علم ما لم یعلم ) و ( من رغب فی الدنیا و طال امله فیها  
اعنی الله علی قدر ذلک و من ذهب فی الدنیا و قصر امله اعطاء الله  
علیما بغير تعلم و هدی بغير هدايت ) حدیث شریفی و ابن فارض  
قدس الله سره نک — فجاهد تشاهد فیک منک و زاءما سکوناً  
و صفت عن وجود سکنتی — بیتی موجب لنخبة اگر علممز یوق  
ایسه ده مراد و مطلوب مز لدنیات قرانیه به و قوف تضمن ایستوئکه  
الله عظیم الشان بزى اولدنیاته وارث و عالم ایلسون و دنیایه میل  
و رغبت و اهل دنیانک قنون غیر صحیحیحه تبغیت ایله میله که جناب  
عالم بزى بغير تعلم عالم و من غیر تهدی مهتدی قلسون و بوضوئله زمرة  
مرقومه ایله همیا ایلمیوب فرقه صالحین اولان مؤمنین ایله برابر  
ایلسون و خیات ابدی به مظهر قلسون دیه سویلرزه.

اقدام معلومدر آ افسانه بر فیکلک بر مذهب لازم و بنده کزک  
اعتقادچه مالک مالک احمدی و مذهب دخی قرآن کریمک تعین  
ایندیکی مذهب محمدیدر و چونکه یوقاروده ذکرى سبق ایندیکی  
اوزره بو مذهب و دین محمدی اویله بر مذهب و دیندزکه انک  
فوقنده دین و مذهب اولمز.

اویله ایسه هیچ بر شیئه هوس ایتمیوب انک مقتضیاتیلله عالم و عامل

اولسه ق دها ایو دکلی وهله بز مسلمانز دیدیکمز و قرآن کریمه  
مؤمنز دیه سویلدیکمز حالده انک تعینات و تنبیهای خلاقه متصدی  
اولمقدن و نفس امارمه اتباعدن ایرلسه ق دها اعلا اولمز می.  
ایشته کور یورز یا بو دنیا فانی و اکا میل و هوس هر فرقه نزدنده  
ممدوخ و مقبول صایلمز نیچون اکا میل ایدم و یاخسود اهل دنیا  
اولنلره نذن طولانی تابع اولم اما دنیایه میل ایدنلردن بعضیلرینی  
رفاهیت ایچنده کوره یور ایتمز اما اوقسم بر طاقم ایتم و اراملی  
مضمحل قله رق و یاخود غیر مشروع اموال و اچقه تدارک ایلیه رک  
ویاخود پاره ایچنون ناموسلرینی و دینلرینی فدا ایلیه رک میدان  
ایورلر ایتمز آنلره امر ناملی زیرا بر ظالم تقدیر قوه جیره مالک  
اولور و بر شقی تقدیر شقاوت ایدره ایسه عدالت الهیه کندوسنی  
او قدر برباد ایلر.

زیرا دنیایه کلوبده ظلم و شقاوتی اعتیاد ایدنلرک خانه سی خراب  
قالدیغنی کسنه انکار ایدمه مز و حتی ( دارالظالم خراب و لوبعد حین )  
عباره سی ایله مقید اولان حدیث شریف میدانده وهله فرعونک  
احوالی بونلرک جمله شنه مثال اولور که ایشته اتیا عرض ایدم حکمه  
دیگله یکنز.

مشهور و معروف اولان فرعون کندی ثروت و ساماننه مغرور  
اوله اوله دعوا ی باطله دوشدی و زعمیچه هیچ کسدن کندوسنی  
ایچون باک و پروا قالدی.

بر کیجه موسی علی نبینا و علیه السلام حضیرت لرینی رؤیاده کوزدیکی  
کی اندیشه به مستغرق اولدی.



معبولری منجملری جمع ایدرک رؤیائی تعیر استیردی.  
رؤیانک تعبرندن حضرت مشارالیهک تشریف ایدوب فرعونک  
مالکیتی خراب اوله جنی اکلاشادی.

رضدین و منجمین بوکا پادشاهم برتدیر ایدملکه موسی عالم  
حیاته کلسون دیدیلر بوبناء علیه فرعون تقدیر ارکک وار ایه  
انلری زوجه لریله مجامعتدن منع ایچپون و منادیلر آنک طرفندن  
وقوعبولان امره امثالاً ای جمله بنی اسرائیل کلکز شاه نسزی  
تنجی موضوع اولان محله دعوت ایدیه یور.

سزه یوزینی کوستروب توأب ایله جزا ایله جکدر چونکه اعمال  
اطاعتکارانه کزه مقابل مظهر مشاهده جمالی اوله جقسکز دیه ندا  
ایندی.

امان باقکز غرابیه او فرعون او جاهل قومی اسیردن بر  
زطو تراشمس و حتی بالایجاب فرعون بر طرفه کیده جک اولسه  
و یولده بنی اسرائیل ایکا راست کلسلر اولجه اوکنده یورویان  
خادملرک شاه کلیور اعلائی متضمن اولان حرکتلری اوزرینه  
هر کس یوزینی دیواره طوته رق یولدن بکرلر ایش و عجایباتدن  
اوله رق مثلاً بریسی انی کورمش اولسه همان انی قتل و اغدام  
مضمم اولدینی نجهته بر چوق خلق بو یولده وقوعبولان افادات  
اوزرینه اتلاف اولشمس.

ایسته ( کوکل حرب رض اولور منع اولدینی شیئه ) مدلولجه بنی  
اسرائیل شاهی کورمکدن ممنوع ایکن برنجی مذلت اولق اوزره  
یوزینی خلقه کوسترمک وعدی ایله انلری دعوت ایش و هر کسده

بو صورتی لطف و احسان مساقفه قویه رق آقین آقین میدانه  
اوچوشمشلر فرعون دخی انلره یوزینی کولج کوسترمش  
و بخشلر و یرمش و منجملرک قولی اوزره حمل کیجه سنی تعین  
و حضرت موسانک دنیا به کله جکنی توضیح ایله زوجه لریله برلکده  
بولماملری امر ایش و بر چوق احسان دخی و یرمش فرغونه  
کیم مغایرت ایدر جمه سی بو امری حسن تلقی و قبول ایدرک  
زوجه لرندن آیرلشلر و حتی فرغونه جیه اولق اوزره اکر امر  
ایدر ایسه ک بر آی متادیا بو میدانه قالوزز دیشلر.

نهایت فرعون سراینه عودت ایش و اوکیجه بنی اسرائیل  
زوجه لرندن آیری طوره جقلرندن طولای ممنون اولمش ایسه ده  
هیچ جهد باطل ایله توفیق رفیق اولوزمی نه ایسه بو امری مرقوم  
خزینه داری اولان عمران دخی و یرمش و موسی الیه عمران دخی  
فرغونه اطاعت قیدنده بولنه رق اوکیجه فرعونک ایواننده قالمش  
نصف الیلده ایسته عمرانک زوجه سی زوجه یله کوزشمک اوزره  
محل معلومه کلمش و همان عمرانک اوزرینه دوشمش و مداوله  
نوسه ایله محبه قیناق و یرمش و عندالفراغ عمران ندامت ایلمش  
اما فائده نه فائده جد حضرت موسی صلوات الله علی نینا و علیه  
رحم مادره التا اولشمس ارتق عمران بوسره کسه اکاه اولماق  
اوزره زوجه سته تنیهات لازمی ایفا ایش دیرکن بنی اسرائیلک  
جمعی اولان میدانن بر نره استماع اولشمش همان فرعون موسا  
علیه السلامک رحم مادری تشریف استدیکنی و ابدن طولانی  
عالمک غاغله انداز شادمانی اولدق لری ظن ایله پاپوشسز طیشادویه

او غرامش و تحقیق و تفحص داعیه سینه دوشمش و عمران دخی  
سزك بوكیخه و قوعبولان لطف و عطایا كزیدن حاصل اولان ذوق  
و شادی بنی اسرائیل بویله سوندره یور اویناتیور دیهرك فرعون  
صاومش و صباح اولنجه فرعون طرفدن مومنی الیه عمران میدان  
طرقه كوندولش و تحقیق غلغله امر بنی المثن عمران نه سنوال  
ایلسون قضیه و اسباب غلغله معلوم برده كورركه منجملر مرصدلر  
اثوابلر بنی یرتیورلر یوزلر بنی یرسور یورناله و فریاذلر یله اورانی  
ماتم میدانی یا یمشله نه ایسه منجملر عمران نه عذر بیان ایدرك ای  
امیر خدانك دست تقدیری بزی اسیر ایلدی .

بزم جمله من تقدیر الهینك زبون و مغلوبی بزم نه یاهلم دشمن  
شاهی دفعه قادر اوله مدق و بوصورتله دولتی صیانت قله مدق  
شاهك دشمنی وار اولدی و وجوده كلدی .

بزم مؤسانك ستاره سنی سماءه كوزدك انك ایچون ناله و فریاد  
ایده یورز دیمش و عمران دخی قلیا شاد و خندان و آنلره قارشو  
ام الفراق لفظیه کویان اولمش و بولفظی تکریر و ترش روی ایله  
تحیف و تلافی کوسترهرك و آنلره عتاب ایدرك شاهمنی  
الداندیکز و کا خیانتکزی صداقت یولنده ارانه ایلیهرك تحفیه  
میدانه کتوردیکز و بونجه زماندر بنی اسرائیل یوزینی کوزمامش  
ایکن آنلره دخی یوزینی کوستردیکز دیهرك عودت و نتیجه افاداتی  
شاهه حکایت ایتمش و من بود فرعون دخی منجمین مرقومه  
ارتق سزك خیانتکز تحقیق ایتدی بن سزك جمله کیزی صلب  
ایده جکم .

زیرا کندیمنی رای سقیمکز ایله مضحکیه آندم و خلقه مسخره  
اولدم و بنی اسرائیله بوقدر مال و یردم و آنلر دخی و قوعبولان  
امر و فرمانم وجهله حرکت ایدوب زوجهلرندن دور و آنلره  
ملاقاتدن محروم و مهجور اولدیلر .

اما عاقبت بورانی سقیم اولدینی نمایان اولدی خاشلر سزی  
بعدازین احسان و عطایادن محروم و جانلر یکزی بدالره یکزدن  
دور ایده جکم دیمش و آنلری بو تهدیدات قوتیه کندوسنه سجده  
محسور ایتمش و حتی منجملر مرقوم فرعونه امان شاهم هر نه  
اولدی ایسه اولدی بعدازین مؤسانك ولادتق ساعتی استخراج  
ایدم و روز میلادنه رصد باغلیلم تا که الیمزدن قورتلمی قابل  
اولسون دیه و عد ثانی و یرمشلر .

و یرموجب و عدوفا قیدنده بولوب ایام معدودینی یکان یکان امرار  
و وقت ولادتق انتظار ایتمشلر ایسه ده ( و اذا اراد الله بقوم سوء  
فلا مر دله ) آیت کریمه سی جکمنجه و علیه الصلوة والسلام  
اقدمرك ( اللهم لا مانع لما اعطيت ولا معطي لما منعت ولا راد  
لما قضيت ولا منديل لما حكمت ولا ينفع ذا الجد منك الجد ) حدیث  
سنیه سی موجینجه الله تبارك و تعالانك قضاسنی هیچ یرکنه  
عقل و تدبیر ایله رد قله من و انك حکمی اصلا متبدل اوله مزکه  
یچاره لرك تدبیری فائده بخش اولسون نه ایسه ینه انلرك رای  
و تدبیرلری وجهله طقوز ایدن صکره مرقوم فرعون مذکور  
میدانه کیدوب و شهر ایچنده محکم منادیلر ای قادیلر یکی طوغان  
اوغلان چو جقار یکز ایله شاه سزی میدانه دعوت ایددیور .



قالقك كيدك ديه ندا ايدوب ارككار خلعت و عطايا ايله يتيم  
اولمش وقادينلر دخي ياور بختلر يله ميدانده بولتوب بوای ایچنده  
طوغان اوغلان اولادیکزی کتوریکز که شاه اول مولودك باشنه  
التون تاج قویه حق و والده لرینی انواع نعم ايله وایه دار قله خقدر  
ديه امر المشر و بوضورتك مکر و حيله دن مرتب اولدیندن  
غافل بولنه رق هر والده او آیده مولود اولان چکر پاره سنی  
شاهه کتور مشر و سلطنتك محافظه سی ایچون انلرک قتل و اعدامی  
جائز و روا کور یلهرک معهود فرعونك امر یله او یچاره جو جقلر  
خیمه شاهیده و انالرندن آریلهرق طویلتمش و میدان بر مذبحه  
شکلنی المش و حضرت موسانك والده سی مشار الیه حضرت لرینی  
الوب او میدانه کتمش و همان رجعتله خانه سنده قالمش و جاسوسلر  
تحریاته حیقوب آنک کتورلمدیکنی استخبار و حضرت موسانك  
دولت و سعادت اربابندن بر مولود پاك اولدیغنی فرعونه اخبار  
ایتمشر و بناء علیه حضرت موسانك جلب و احضاری امر  
اولتمش و مأمورلر امر شاهی انقاد مقصد یله کیتمشلر ایسه ده  
بو میانده حضرت موسی نك والده سنه الهام الهی شرفعلق  
ایتمکدن طولانی ام موسی حضرت مشار الیه یانغده بولنان  
تنوره القا اتمش و مأمورلر خانه بی تحری ایدوب ذات موسایی  
بوله مامشر و ایکنجی امر اوزرینه ینه رجعتله مکملأ تحری  
قیدینه دوشه چکلزی وقت سورة قصصه مقید ( و اوجینا الی  
ام موسی ان ارضیه فاذا خفت علیه فالقیه فی الیم و لا تخافی و لا تحزنی

انا رادده الیک و جاعلوه من المرسلین ) آیت کریمه سی موجینجه  
دخی بزام موسایه وحی ایلدک  
موسایی ارضاع ایتسون و نیله القا ایلسون و محزون اولسون بن  
خالق متعال و حافظ بی شکل حضرتلری بانی سکا رد و ارجاع  
ایندیجی و ذات موسایی مرسلینه داخل قلیجز ديه بونك اوزرینه  
ام موسی حضرت موسایی ( اذا و حینا الی امك مایوحی ان اقد  
قیه فی التابوت ) شو آیت کریمه نك موجینجه امر پر و بونك تابوت  
ایچرو سنه قویوب نیل مبارکه القا یلمش و اگر چه مأمورلر و موزیلر  
درون خانه یه دخول ایلله حضرت موسایی ارمه مشلر ایسه ده بوله میوب  
فرعونه عودت ایتمشلر و ( فلیلقه الیم بالساحل ) آیت کریمه سی  
مصدق قیجه دخی فرعون زوجیه سی آیه ایلله نیل کنارنده کی  
بنجه لرنده و براغاج کولکه سنده اقامت ایدرایکن تابوت نیله ده  
ظهور و انلره نمایان اولوب و در حال تابوت صودن التوب  
حضور فرعونه کتورلمش و فرعون بونك دخی قتانی امر ایتمش  
اما نه فائده ایشه الله فرعونك ظلمنه و صکره ارادات الهیه سنی  
تغیر قیدینه دوشمش بولنانلره باقی نلریا پیور آیه تابوتی اچوبده  
ایچنده صیح الوجه اولان و یوزینی کورن البه آنک اشفته  
و حیرانی اولق درکار بولنان اول نور معظمی کورنجه اکامجت  
ایدوب ( قرعین لی اولک لا تقتلوه عسی ان ینفعنا او نتخذہ ولدا )  
آیت کریمه سی مصداق قیجه بونم و سنك قرنی عیونم زدر ديه رك  
فرعونه قارشو کلوب اولدیرتماش و نهایت الامر موسی علی نبینا  
و علیه السلام انلرک نزدنده و اولاد مقامنده بولتوب و تقدیر سود

نه کدی ایسه انلرک سودینی قبول ایلمیوب بالآخره والدهینی  
مرضعه اولوب انک خضانه حفظ و حمایتده بیویوب بتشوب  
رسول مکرم و محترم اولوب فرعوننی دخی تبلیغات کثیره ایله  
دعوت ایدوب قبول حقیقت ایتدیکنی الله عظیم الشانه عرض  
ایدوب و ساحرله مقابله ایلوب انلرک اکثرینی اسلام ایدوب  
امر الهی ایله فرعوننی تیهلشکه فرعونک و قومک صویه مستغرق  
اولدیننی و صکره واقع اولان ظن و اشتباه قوم اوزرینه میت  
اولدیننی و اوزرنده کی البسه و اسلحه سنه خلل کلدیکی حالده  
جناب حقلک اتی صوکنارینه چقاروب خلقه اراشه و بوندن صکره  
اولوجهله مستغرق دریای بلا اولان فرعون ایدوکنه خلقی مطمئن  
قلدیننی کتب تفاسیر و قصص و تواریخ مفصلاً بیان ایدر و نظراً  
علی ذلك بزم بوراده بوققره ایله تسکیر سواد ایتمازمه حاجت  
یوقدره.

فقط شوراسی لازمکه بحشمز ظالمک دوجار قهر و غضب اوله زرق  
خراب اوله جنتک مقرر بولدینغه عائد ایدی.

حاصل کلام و نتیجه مرام شو اولورکه مزبور فرعون کبر و نخوت  
و عناد و غفلت و دنیا دولته اولان حرص و محبت کی احوال ایله  
کنندی منافی خلقک مضرتیده ارا یوب و عالمی سطوت  
و سامانه و بقای شانسه قربان ایدرک ظلمی اعتیاد ایدمیشیدی  
عاقبت بویله اولدی شمدی بزم ایچون لازم اولان صورت سالم  
بوققوده دن تنه ایدرک ( و اذابتلی علیه ایتنا قال اساطیر الاولین )  
دین کافرلر و ظالملر کی بو حکایات اولندز بفرعون دکلیزیا

زده ظلم هیچ یوقدر دیه بردن بره کسوب اتمالی انحق  
هر شخص نظر حقیقت بین ایله نفسه باقوب یاره من افعالمن  
وارایسه اتی ترک ایتلویرز اقدام عالم بشریت بویا اخلاق متخالف  
و بزم سوزم نفس اماره نک القا آت و افساداتنه انهماک ایدنلر ایچوندر  
انلر هر تقدیر انسانلق دعواسنده بولنسه انسان صایلمز چونکه  
انلرک افعالی انسانلغه عائد دعوالرینی مبطل و هر تقدیر سست  
اندام ایله مباحی اولسه لر جهالت اعتباریله عاقل و عالم اولنلره غیر  
مقیسدر و بناء علیه انلر نصیحته محتاج بولنور.

و حتی بالکلیه نفسه تابع اولان و غوايت قلان اشخاص و ظلمی  
اعتیاد ایدوب اضرار ناس و اضلال عباد قیدنده بولنهرق تلذذ  
ایدنلری فرعونه تشیده خطا ایتیز زیر انفس لعیندر و انک اماره سنه  
تابع اولنلر ملعون اولور و وادی جهل و نادانیده قائلرک احوالنه  
تأسف اولنور و ایشته بوکیلره بو جمله سنک حالکدر دینلنه ناصحه  
عداوت ایدر و مقارنت ایتدیکنک شخص سنی و رطه هولناکه  
دوشورمک مقرر در دیه سویله نلنسه حق مر اولدیننی ایچون قبول  
ایتمک ایسته من و نفسه اندن بر لذت الدیره من فقط انلر ایچون  
ناصح طرفندن ای شخص نفس اماره یه مماشات و سوء قرین ایله  
موالات قرب دکل بعیدیت الهیه نی تضمن ایدر.

آه بیچاره سن سوء قرینک کورسه ایدک ( یالیت بینی و بینک بعد  
المشرقین فیئس القرین ) دیه اندن زیاده بعد و تفرقی تنی ایلر ایدک



ولكن سكا سوكلو دشمن اولديني ايجون انك مضرت و عداوتن  
كوره مزسك اي نفسك فسادندن غافل وسوء قرينتك القا آت  
غرضكارانه سندن جاهل سنك نفيسك فرعون كبي طاغى و باغيدر  
و فرعونك مالك اولديني ثروت و سامان و قوه نفوذ و شان سنده  
اوله ايدى سكا اولوقت فرعون ديمز فرعونتر دير ايدم .

يازق يازق بركرده محبت ايتديكك نفسه وسوء قرينه باق ديه بيلور  
اما انسانيت شانندن اولان و كمالات ايله ممدوح بولنانلر نامنه ابن  
فارض حضرتلرينك

( وكل مليح حسنه من جمالها )

( معدله بل حسن كل مليحة )

( و صرح باطلاق الجمال ولا تقل )

( بتقيده ميلاً لرفرف زينة )

قطعة فرخ اداسنى اوقويوب اول فرعون طيبت اوليان و خلقه  
ظلم و تعدى بي جائز و روا كورميوب دائماً ايولك ايستيان صلحا  
حقنده ( طوبى له و حسن مأب ) ايت كريمه سى ايله تبشيرات و يرر .  
ايمدى بو وجود بشرى احسن تقويم ايكن اتي نفس اماره نك  
مرتبه سى اولان اسفل السافيكه نيجون تزييل ايتلى البه ايتاملى

زيرا بايكنز يديمزده برقبای اطلس اولسه اتي بردلق پشمينه و يادلوق  
كهنه پشمينه تبديل ايدرميز البته ايتميز آ .

ايشته بوده اكا مشاهددر و ظلمك و يره جكي ريج معنا اول دلوق  
كهنه يه و عدلك و نصفتك و يره جكي نفع اول اطلس ديبايه بكزر كه  
بينهماده فرق كل و ار و انسان انسان اولمز .

الانفس اماره نك تحريكات و تسويلات شيطانيه سياه اراه  
ايتديكي ريج مظلادن كندويي محافظه ايله اولور و امام السبتي  
حضرتلرينك

( زيادة المرء في دنياه نقصان )

( و ربحه غير محض الخير حرمان )

( يا خادم الجسم كم تسى خدمته )

( و تطلب الربح مما فيه خسران )

( اقبل على النفس و استكمل فضائلها )

( فانت بالنفس لا بالجسم انسان )

شعرى و بعض علما كرامك

( اطاعة النفس للرحمن عصيان )

( فالنفس في صورة الانسان شيطان )

( فرعون نفسک ان لم تلق حین عصا )

( عصاک للزجریسی وهو ثعبان )

قطعه معظمی شوافاداته بر برهان صادق الیاندرا اویله اولنجه  
نفسه تبعیتله ظلمه هوس ایتیموب وکبرونخوت یولنه کتیموب انجق  
اویله بر حالت ظهورنده یعنی نفس سکا ای مرد ممتاز سن کندی  
شان و مزیت ظاهره که باقی و حضورکنده بولناندری لاشی  
مثابه سنده کوزت. و فرعون کبی کندیکی بر در دیدیرتمک ایچون  
باطل سوزلریکی قبول ایلنیا ایلله جنک وجدال وانک ضمتده  
افراد مؤمنینه حقارت ایلله دیدیکی اغفالات عدادندن حساب  
ایدوب و بالعکس کندوسنی ازوب حلم و عدل طریقه کیدوب  
( وما الحیات الطیة الا فی اماتة النفس ) قوله قائل اولوب الله  
عظیم الشانک حضرت موسایه و برادرینه ( ازها الی فرعون انه  
طغی ) آیت کریمه سی مصداقجه فرعون جانبیه کتمکه وانک  
طغیانندن بحثه انی دین حقه دعوت ایتیمکه امر و یردیکنی و مشار  
الیهک ( یا فرعون انی رسول من رب العالمین ) دیدیکنی و فرعونک  
حال بویله ایکن ( ان کنت جئة بایت فأت بها ان کنت من الصادقین )  
دیمسی اوزرینه ( فالتی عصاه فاذا هی ثعبان مین ) آیت کریمه سی  
ما صدقجه حضرت موسانک القا ایلدیکی عصاسی ناکاه بر حیه  
عظیم اولوب و هر جانبیه حملاه قلوب حجر و مدر و شجردن

مقابله سته هر نه کلورسه هلاک و فنا ایتدیکنی و فرعونک مقصدینی  
ترویج داعیه سنده بولنان سحره و قوم فرعون بوهیتی اندن  
کور یجک و جبال و عصاء متخیله لرینی اول حیه عظیم یوتدیفنی  
مشاهده ایدیمک مرقوملر جمله ایلله بر لشوب منهزم اولدیفنی نظر  
اعتباره الوب اماره نفسک ایجاباتندن اولان ظلمه هوس ایتیملی  
زیرا بر شخص ظالم نقدر ارقه لی و ارقداشلی و بر مظلوم نقدر بیکس  
و بیوایه اولسه ینه مظلوم غالب و ظالم مغلوب اولور و حضرت  
حق نبی مرسلی اولان موسی علی نبینا و علیه السلام حضرت ترینه  
وحی ایلیم یاموسی بوقرق کون مهلتی فرعونه استکراهسز و یر  
تا کم هر نوع مکر و حیله بی اکماله اهتمام ایلله بن خفته دکلمکه سته  
و نوم بی اخذ ایلله بیوردیفنی کبی اول مظلومه الهامات خفیه ای  
مؤمن و متوحد قولم سنک حقه ظالم اولان شخص و یا اشخاص  
طرفندن نقدر ظلم ایدیلله جنک اولسه صبر و تحمل قل و بی منتقم  
حقیقی بل ایسته کوره یورسکه قرآن جلیل الشانده بن ذات عادل  
و منتقم مطلق کندی حق و شانده ( لا تأخذ سنة ولا نوم )  
بیوردم و حیب اکرم و نبی محترم اولان محمد المصطفی دخی  
( ان الله لا ینام ولا ینبئ له ان ینام ) الی اخره بیوردی دیر  
و بناء علیه مظلوم ظالمک حضورنده کویا هدف یروح کبی تیر  
غدره کوکس آچار ایهده فرعون ذکر اولنان قرق کونک  
ختانده برباد و پریشان اولدیفنی کبی ظالم دخی من قبل الرحمن  
تعیین اولنان ایام معدوده نک ختانده کندوسنی بردن بره محو



وتباه اولمش ڪورر و بوندن طولاني ظهور معاده ندامت  
فائده ويزم و سورة الاسرا ده موجود اولان ( و تنزل من  
القرآن ما هو شفاء ورحمة للمؤمنين ولا يزيد الظالمين الا خساراً )  
اشبو آيات بينات مصداق ما صدقته ظالم خسراندين بشقه  
نصيب المنز اما مظلوم اولان مؤمن ايچون بشارت مكافات  
عليه الصلوة والسلام اقندمن حضرت تارينك ( ان الله خاين من خلقه  
يفسدوهم في رحمة ويحييهم في عافيته ويميتهم في عاقبة واذ توفاهم  
الى جنة اولئك الذين تمر عليهم الفتن كقطع الليل المظلم وهم عنها  
في عافية ) رواه الطبراني وابونعيم في الحلية ابن عمر خاين بخصايصه  
حديث شريفى وجهله اول مظلوم اولان مؤمنلر شول مقبولان  
عزت و مستوران سرا برده حقيقتدرلر كه حضرت حق بونلرى  
رحمته بسار ومحض راحت وعافيت ايجره احيا ايلر وعين صفا  
وعافيت وامانده ايدر وچن روحلرى الديرنه جنته موصل  
اولدينى حالده الديرر.

بونلر اول كسه لر در كه بونلرك اوزرينه فتن و محن ليل مظلم باره لرى  
كبي مرور ايلر و بونلرى بورر واحاطه ايدر.

بونلر اول فتن و محندن عافيت و راحت ايجره نائلدر قيديله  
مقيددر كه مؤمن اولان مظلوم نفسى الله تسليم ايتمش و وجود  
حالده كندوسنى موهوم اعتبار ايلمش اولدينى ايچون ظالمك  
ظلمندن قطعاً متاذى اولمز و ( سيجعل الله بعد عسر يسراً ان مع  
العسر يسراً ) ايت كريمه سى ايله ( و مامن ترحه الاوقد تبعت لها

فرحة ) و ( ان الفرح مع الترح ) حديث شريفلى موحيلر نخبه  
عسردن يسره و ترحدن فرحه و حرجدن فرجه وصول  
مقرر اولدينى و عيادة ابن صامت حضرت تارينك روايتى صحى  
وجهله عليه الصلوة والسلام اقندمن حضرت تارينك لسان درر بار  
حقيقت كفتارندن زيور انداز موقع ظهور اولان احاديثدن  
بريسى دخى اصحاب ڪرام ذوى الاحترامنه بن سزه عندالله  
شريف اوله جفكز شيلردن خبر و برهيمى ذيه خطاب ايدوب  
انلر دخى كال ايتهاج ونعم لفظيله حواله سمع احتياج ايدنجه  
( تحلم على من جهل عليك وتعفوا عن من ظلمك وتعطى من  
حرمك وتصل من قطعك ) يعنى شريف اولوب علو درجهيه نائل  
اولقى ايسترايسهك سكا غضب ايدنه حلم ايدوب رفق ايله معامله  
ايله سكا ظلم ايدنه عفو ايله سندن الفت زيارتى قطع ايدنلرى  
سن زيارت ايله معنای شريفنى حاوى اولان حديث شريفنى بيلرك  
( والذين صبروا ابتغاء وجه ربهم واقاموا الصلاة وانفقوا مما رزقناهم  
سراً وعلانية ويدرؤن بالحسنة السيئة اولئك لهم عقبى الدار )  
يعنى شونلركه ربارينك رضاسنى طلبله صبر ايتديلر وانلر  
ويرديكمز رزقندن كيزلو و آشكار اتفاق ايتديلر وحسنه ايله سيئه يي  
رفع ايدرلر انلر ايچون عاقبت جزاى عمللرينه حسننى و راحت  
واردر.

معنای لطيفنى شامل اولان آيات قرآنيه ايسانه رق ( والظالمين  
اعدلهم عذاباً اليماً ) يعنى ظالملره ربكز المويريجى عذاب حاضرلدى

معنایله مقید نص قرآنی مصداقچه ظالم لر حقنده او عذاب الیمک ظهوری نی انتظار ایدرک و ( لا یفلح الظالمون ) امر باهری موجبچه ظهور معاملات الهیهیه متظر اوله رق و ( ربنا و آتنا ما وعدتنا علی رسالک و لا تخزنا یوم القیامة انک لا تخلف المیعاد ) نصوص حقیقت منصوصی موجبچه کویان اولوب ( فاستجاب لهم ربهم انی لا اضع عمل عامل منکم من ذکر اوائی ) مصداق ماصدقچه رب متعال و واعد بلا نکال حضرتلرینک استجابته حصر انتظار ایدرک راحت جان و بهجت وجدانه قائل اولور.

اما بیچاره ظالم دخی الله عظیم الشانک ( ان کیدی متین ) و مکروا و مکرا الله و الله خیر الماکرین ) قول الهیسندن غافل اوله رق و کندی کید و مکرنندن متلذذ اوله رق و مظلومک تحمل ایدوب بیوایه لک کوستردیکنده کی حکمتی اکلامیه رق عاقبت خسرانه داخل و ایام مساعدهیه کندی بطش و هیتمک تأثیراتی ایله تجلی ایده یور معنایی ویرر.

فقط ابن عباس حضرتلری بیوررکه مکر الهی اولدرکه قچن برقول کفر و یا معصیتی زیاده ایلسه حضرت حق آنی درحال مؤاخذه ایتمیوب انجق نعمت و راحتده زیاده ایلر و اول شخص درجه درجه هلاکه قریب اولور و کار آخرتدن بی بهره قالوب اول نعمت و راحتده مغروریت و ظلم و معصیت و ترید کفر ایله مشغول اولور بیورمش پک صائب زیرافاده ( حتی اذا فرحو بما ارثوا اخذناهم بغتة فاذا هم مبلسون ) قیدینک فحوای محضیدرکه

یعنی ناکاه بونلری خدای متعال اخذ ایدوب هلاک قلور دیمکدر او یله ایسه بزظالمه دیه لکه ایسته اکلا دکی مظلوم صورت ظاهرده سندن متأذی اولدی.

اما باطن اعتبار یله بیوک منزلت بولدی و سن ظاهره نفسیه تبعیتله برقوت کوستردک اما باطناً خسار ایچنده سک و طوغریسی ای ظالم الله عظیم الشانک فاستقم امرینی مدار استطاعت اعتبار ایتمامشک و غیرت سبحانییه بیلما مشک مظلوم اولان مؤمن بونلری کوزل قبول ایتدی و سلامت عاقبتی بولدی سنک دنیا صولتی دیدیکک شیء نه دیمکدر و دنیا نه اولیور و نه درلو حیثیت التنددره.

جناب رسول اکرم و نبی محترم علیه اکمل التحیات و اتم الصلوة و السلام بو دنیا ایچون جوق شیر بیورمش اولدقلری کبی ( لوکانت الدنيا ترن عند الله جناح بعوضة ماسقی منها کافراً شربة ماء ) بیورمشلرکه بو دنیا الله تعالینک قنده جناح بعوضه قدر وزن و قیمتی بیله یوقدر دیمکدر.

بناءً علیه سن بو جناح بعوضه دن کتر اولان دنیادن نقدر شیء محبت ایلر ایسه ک اصلدن اولقدر محروم قالورسک بو جرمان ایسه بر شخص ایچون قابل تمذیح و تجویز اولمز ای ظالم بو صور جالب نظر ایکن سن نیچون ظالم و تعدی بی اختیار و بر شخص مؤمنی احیایه اجتناسار ایده یورسک او بنای وجودی سن انشا ایتدک البتة یقه مزسک انجق فائده سز یره کنیدیکی تعذیب و تخریب ایده یورسک متلاً قیاس ایدملکه انواع تعدیات و مظلومدن بریسی



اولق اوزره بر شخصك مدار انتعاشی اولان برشیدن کندوسنی  
غرض و نفسانیت اعتبار یله محروم ایتمك ایستیوب بالفرض والتقدير  
اول شخصی یزندن قالدیروب اندن محروم ایتمكه موفق اول  
اول شخصك اسباب انتعاشی تماماً قطع ایتمكه مقتدر اوله بیلور مسك  
هایدی اوله بیلدك یعنی قپوكده خدمتكارك اولان بر آدمی یا خود  
معیتمكه بولنان اشخاصدن برینسی قالدیرسك و بتون عالمه دخی  
نفوذیكی تأثیر ایتدیرهرك یا خود مظلالمكدن بر چوقلرینی قورقه رق  
او خدمتكار و یا خود معیتكدن طرد و اخراج ایتدیكك شخص  
علیهن کین و عدوان طوته رق خدمتکاری اخر بر ذاته خدمت  
ایتدرمامك و معیتكدن چیقار یلان شخصی اخر بر ایشده  
بولندر مامق مقصدیله سوزیكی سنك کیلره قبول ایتدیروب دائرة  
انتعاشی تضیق ایتسهك و یا بریتیمك حال صباوتندن استفاده ایله  
صور غیر مشروعه ده اموالی ضبط ایلیرهرك او ییجاره دینی اخرك  
احسان و انعامه محتاج ایلسهك بونلرك و یا خود ثروت و سامانك  
بولنده اولدینی یعنی عائله کی انفاق و اداره یه کافی اولدینی حالده  
مطلقا تکیذ نقود فكر غیر ممدوحیله انلری اعاشه ایتیموب و بیک درلو  
اذا و بلا ایلله اشكر یز خون تأسف و تلهف ایتلمرینی اختیار ایلسهك  
یا خود یداستملا ككده بر عبد و عیده بولتوبده بونلری ایشه مالمدر  
دیهرك وینه سطوت و سامانكه مستد و مغرور اوله رق تنیها  
شرعیه خلافتده استخدام قلسهك و هلم جرادها بوكابكر و تعدادی  
غیر قابل افراد مظلومی اختیار ایلسهك جناب حق سنی مجازات

دنوییه و اخرویه دن و ارسته می قیلر ظن ایدرسك هیجده اویله  
ظن ایتمه چونكه بو افعال قطعاً ممنوع و منهیدر والله عظیم الشان  
قرآن کریمده سورة النسا ده ( و آتوا الیتامی اموالهم ولا تبدلوا الحیث  
بالطیب ولا تأكلوا اموالهم الى اموالكم انه كان حوباً کیراً ) نصوص  
جليله سنده یتیمك اموالك اعطى اولتمنى واصلا و قطعاً اكل  
و بلع ایدلما منى و خیث ایلله طیبك تبدیل ایدلما منى و بومعامله  
کباردن بولندیغنی امر و فرمان بیوردینی کی ( ان الذین یا کلون اموال  
الیتامی ظلماً انما یا کلون فی بطونهم ناراً و سیصلون سعیراً ) نصوص  
عدالت منصوصیله دخی اموال یتیمی مظلالم و تعدیات ایلله بیانلرك  
لابد نار جیمی بیه جکلرینی و سعیرده قاله جکلرینی بیان ایلله انلرك  
مظهر عذاب اوله جکلرینی تعریف و اتیان بیورمشدر و دیگر  
جهته دونجه ینه سورة مذکوره ده نسیاه صدقاتك نخبه اموال  
مطیه دن و یریلوب انلرك ارزاق و انفاق و اکسا اولتمنى و انلره  
قول معروف و صورلین ایلله سویلنلمنى ( و اتوا النساء صدقاتهن  
نخبه فان طبن لكم عن شیء منه نفساً فكلوه هنئلاً مرثاً ولا تؤنوا  
السفهاء اموالكم الی جعل الله لكم قیاماً و ارزقوهم فیها و اکسوهم  
وقولوا لهم قولا معروفاً ) آیات فائذ البرکات یله و والدینه و ذی القربایه  
و مساکین و ابن سیله و قومشوییه و مملوکه احسان اولتمنى و بخل  
ایتموب بخل ایلله کسه یه دخی امر اولتمامنى والله عظیم الشانك  
عطایا و احسان و عنایات سبحانیه منی انکار ایتما می و بوکی کافر  
نعمت و منکر الطاف و عنایت اولنلرك عذاب مهین ایلله معذب



ومعتد اوله جقلرینی ( وبالوالدین احساناً وبذی القربی والیتامی  
والمساکین والجار ذی القربی والجار الجنب والصاحب بالجنب  
وابن السبیل وماملکت ایمانکم ان الله لایحب من کان مختالاً فخوراً  
الذین یخلون ویأمرون الناس بالبخل ویکتمون ما آتیهم الله من فضله  
واعتدنا للكافرين عذاباً مهیناً ) آیات کریمه سی ایله امر وفرمان  
بیورمش اولغین بو حکم و ارادات الهیه موجینجه عامل اولمق وبونک  
خلاقه تصدی ایله ظلمی اعتیاد ایدوب ظالم بولنمق اصحاب ایمان  
وارباب ایقان ایچون موجب حرمان ومستوجب عذاب نیران وباعث  
احمای ایماندر اویله ایسه ظالم کل سن بوافعال کریمه دن صرف نظر  
ایله وبعدهما تعدیاتنه انهماک ایتیموب اللهم امرینه امتساک ایده جکی  
سویله ده اوامر الهیه نک دها سائر لرینی بیان ایدوب نصایح نفسیه  
ایله کهر فشان وقادمه جنبان ایضاح و بیان اولهیم هیچ شبهه ایتمامکه  
اشبو افاداتم حقیقته وصحته اقتران اعتبار یله دماغه لذائذ نصفتی  
وظلمدن ابا واجتناب حلویاتی ظلمدن طانیدیغک طیشی شراب  
وایچی زهراب ذائقه دن دها زیاده لذت القسا ایتدی اویله دکلی  
شبهه سز چونکه برشی که الله امر ایتمش اولسه اکا امتساک باعث  
سعادتدر و برشی که الله نهی ایلمش اولسه اکا انهماک باعث  
وبادی رذالتدر بوراسنی فرق ایتدرمین دخی جاهلک دنیلان  
کورکی سز لکدر و بر حقیقته علم حاصل اولور ایسه جهل ذائل  
واندن دماغ عبودیت دخی لذایذ فائقه حاصل ایدر وجهالت ایله  
علم بیننده و جاهل ایله عالمک افعال و حرکاتی ارمسنده هر شیئده

بیوک بیوک فرقلر اولدینی صکی بوضورتده دخی فرق واردر  
وچونکه باقکز برعالمه اما عامله جنب حق ثروت وسامان وقوة  
نفوذ وعز و شان اعطا واحسان بیورسه ویاخود نقصان ویرسه  
بونک ایکیسنی دخی مرتبه تساویده طور و اسباب حکمیه  
وحقیقیه سنی بر درجهیه قدر بیلور و جاهل اکرام وانعام وقتده  
رهم بکا اکرام ایتدی و امتحان وقتده رهم بکا اهانت ایلدی دیه  
سویلر وعالم عامل وقت وسعت ونعمته ایتامه اکرام ورعایت  
وفقرا و مساکینی طعامه دعوت ایدر و وقت نفجته قصورک  
کندوسندن صدورینی تصدیق ایله اونفجت هیچ توجه ایتمامش  
کبی کوکلنده اغرار وانیکسار بولنمیه رق طوعاً صبر و تحمل ایلر  
لکن یچاره جاهل وقت نعمته امان فرصت بنمدر وزنکیکنک  
اعتبار یله قدرتم هر شیئی احاطه ایدر و دیلیدیکی یاهرم دیه  
آله بیلدیکنه کیدوب و ایجابات نفسانیه منه تمامیه انهماک ایدوب  
مغایر رضای الاهی حرکات ایله دوچار فقر مکب اولور و صکره  
دوشنور طوریر وارتنق خلق دخی یوزینه قارشو قوزم کوکل  
یقمق وخانمان خراب ایتک ایدوکل ایدی.

ایشته کوردکمی باق بلاکی بولدک جکیورسک باری الیکه بردخی  
فرصت کچنجه بویله ایتمه دیدکلرینی ایشیدر واما ینه متنبه اولیبوب  
وقباحتی کندی اعمال و افعاله اسناد ایتیموب طرف حقندن اهانت  
وقوعنی بیان ایدر.

حالبوکه ایسه قضیه برعکس اولوب بویله دکل و جنب خالق متعال



حضرتلری قرآن کریمده بیوردینی ( فاما الانسان اذا ما ابتلاه  
ربه فاكرمه ونعمه فيقول ربي اكر من واما اذا ما ابتلاه فقد  
عليه رزقه فيقول ربي اهانت كلابل لا تكرمون اليتيم ولا تحاضون  
على طعام المسكين ) آيات باهر اليناتي حق جل و على حضرتلری  
چان غافل اولان آدمی امتحان قلسه واکا صورتا انعام واکرام  
ایلسنه ربم اکرام ایلدی دیر اما چان اتی ذلیل و رزقی قلیل  
ایلمکه ابتلا قلسه ربم بکا اهانت ایلدی دیر بونفس الامرده بویه  
دکدر .

امتحان الهیدر که نعمت مقابله سنده شا کر اوله و ایتمه  
اکرام و رعایت و فقرانی اطعام ایله معناسی بالدالات ایجاب  
ایستدیر .

ایسته انسان ربانی یعنی ربی و خالق بیلن یو حقیقی اکلار و قوه  
میزه علمیه سیله لطف ایجره اولان قهری و قهر ایجره مضر اولان  
لطفی تمیز ایدر و حق شکلنده اولان باطلی و باطل طورنده ظهور  
قلان حتی بیلور واکر بیلمز ایسه و صورتا حقه کورینان باطلی  
تمیز قله مزه حقایق کاهی علیه کوسترمکی حضرت حقندن رجا  
ایلر نه کم جناب حیب کبریا و رهبر صنوف اتقیا و اولیا صلی الله  
علیه وسلم ( اللهم ارني الحق حقاً وارزقنا اتباعه وارنا الباطل  
باطلاً وارزقنا اجتنابه وارنا الاشياء كلها ) دعاسیله اراه  
حقیقی جناب حقندن استدعا بیوررلرایدی .

مؤمنین و متقین دخی مسلك رسول الله سالک اوله رق بویه

اولق لازمکلور و حضرت مشارالیه قهر لطف ایجره و لطف  
قهر ایجره مستور و مخفی اولدیغنه ( حفت الجنة بالمكاره و حفت  
النيران بالشهوات ) حدیث شریفی دلالت و شهادت ایدر و سعت  
رحمت اکثر زحمته و شدت نفحت و فرت نعمتارده تستر قلدیغنه  
حضرت علی کرم الله وجهه حضرتلرینک بو کلام لطیفی دلیل  
اولورکه بیوررلر .

( سبحانه من التسمت رحمته لا و لسانه في شدت نفحته واشدت  
نفحة لاعدائه في سعة رحمته ) در و بوقدر تفصیلاتدن هر کم  
اولسه اکلارکه دنیا ده ظلم و تعدی و بخل و بخل ایله امر مذموم  
و مقذوح و نفحت استلزام ایدن احوال معنایاً و ماده انکار  
عنایاتدر ارتق امید ایدر مکه بوضوح باعث رشد و سداد اولور  
و دیگر صور منیاتدن اجتناب دخی اولنمق لازم ایدوکی  
بیان اولنمغه ابتدار قنور ایسه شوراسی عرض ایدیلورکه  
محرمات و کبائر ایچنده اک بتر و اشد اولان افعال محرمه زنا  
و لواطه فعللر ایدر بونک ارباب نفس بالکثر بر قاج دقیقه دن  
عبارت اولان لذته انهماک ایدرک و اندن دیناً و دنیا و عقباء  
حاصل اوله حق قنالی دوشنمیه رک کندی خشنودلقلزیه صدورینی  
طلب ایده یورلر ایسه ده و قتیله کتاب و رسول یوق و زمان  
جاهلیت موجود ایکن عاقل و عارف اولان مخلوقات الهیه دن  
برسی بوزنانک ایو برشی اولمیدیغنی و وجودی قابل انکار  
اولیان الله عظیم الشانک بو فعلدن خشنود و راضی اولیه جفنی



بوفعل کندی زوجه سنه واقع اولور ایسه کندوسنجه بوفعله  
نظر ممنونیتله باقیه جغیدن استدراک ایدرک هیچ بر بشقه شیئه  
مائل اولیه رق قطعیا بیلمش و حرمته قائل اولمشکه شو قیاس  
و استخراج عقلی اوقویوب یازمسنی بیلیمان ارباب نفس وهوا  
ایچون قابل امتساک اولور.

وهله بو بایده صادر اولوب اشو کتابزک ایکنجی جلدنده  
ارائه وافهام اولنه جق آیات قرآنیه بو بایده یعنی اویله افعال  
کریهه اصحابنه نه درلو ونقدر اغر مجازات اولنه جفتی کوستر  
باقیکز زنانک ویره جکی مضرتیه ای نفس اماره صاحبجری  
ودوشونکز میدان کتوره جککز فعلک کراحتی ای شهوات  
صاحبجری نقدر اغر وثقیدر سز تسکین نفس ایچون برارکک  
اولدیفکز حالدیه برقادینه تعلق ایده جککز ویاخود برقادین  
اولدیفکز حالدیه برارککه مفتونه اوله جقسکز ایکیکز بیتده  
میدان شیطانیه یه قونلان فعلدن خلق خبردار اولسون دیه  
دوشونه دوشونه وقورقه قورقه البته عناصر بدنیه کزده برقنالق  
حاصل ایده جککز کی هله بر ولد زنایه دخی مالک اولور  
ایسه کز خلق بو فعل قیحک محصولی میدانده کورمسون  
ایچون اول ولد مذمومی یا زحمده ایکن ویاخود تولد ایتدکدن  
صکره اتلافه مجبور اوله جقسکز اتلاف ایدر ایسه کز بر جنین  
ویا معصومک قاتلی اولورسکز ایتمز ایسه کز اول ولد مکروهک